

NGUZU ZYA KUSANDULA

 [Mukwesu Branham wang'ung'una *Kosyoma Buyo*—Mul.]

² Inga caba ciyumu ku muntu uuli oonse kulinondezya lwabo mu i—mu ciindi mbuli ceeci, kwaamba kunji Nkwe lumba coolwe eci cakuba kokuno cifumo cino, alimwi—alimwi akati kanu, ku kukutauka Ijwi lya Leza, kwalo Ndili masimpe muli zibilene kabotu. Elyo—elyo Ndi yanda kulumba Mukwesu Leo a Mukwesu Gene, a nyoonse nobantu, ku coolwe eci cipati.

³ Elyo mbuli Mbwe kali kumvwa i—i ciimbo citaanzi, ku mamanino, kuli cintucimwi kujatikizya kwiimba oko, nku komba kuti to cijani limbi. Elyo lyoonse ncoolwe cipati kuli ndime cindi Nda boola okuno, kutandila lomwe mu mwaka, na kobile, kukonzya kulizuzya buyo lwako a bubotu obo bwa nyimbo.

⁴ Elyo Ndali kuyeeya cifumo cino, cindi Mukwesu Leo na kaambilizya lwiimbo lwa *Bazwa Kujwe A Kumbo*, elyo kujatikizya mukaintu wangu kaimba kuti cindi Ne kazwa ku... kamusiya a—a Billy a Rebekah, ku katalika lubukulusyo olu lupati, lwa sumo lya ncico, mubwini, mbuli mbo lwakafumpa masi. Elyo mpawo wakali kuyeeya, mbuli Mbwe kalanga atala lya cikama eci, cibotu ciboneka kusalala ca balindu. Nda yeeya Meda mpawo wakali umwi wabo, waa kali musimbi muniimi wamasusu aasiya kumutwe. Elyo lino uli mbuli lwangu, tuya bucembala a kutubuluka, alimwi ziindi zyesu ziya bumana. Elyo nekubaboo a Bulangizi obu bupati, kuti tuyo bungana antoomwe alubo muli Nguwe, oko kutakabi limbi ciindi, kucembala, taakwe cintu caku tusinkila na kutu nyonganya.

⁵ Nse syomi kuti Ndi lizi busena buli boonse obo Mbwe kasola kubona mu buumi bwangu, kapati a bantu aba banji, oko kwakali Banakristo banji loko babotu a luyandisyo olu. Muta lekeli eco kufwa akati kanu. Amuyeeye buyo.

⁶ Nda kali kunga ndijisi kuniini... kwaamba aakati ka bantu. Zina lya mukaintu wangu lyakali Hope; mukaintu wangu mutaanzi, banyina ba Billy. Ba kali ku... Kwakali botatwe besu kaindi, obo bwakali Hope, a lwangu, a Billy. Ba kali kunga bala twita, “Bulangizi, lusyomo, a luyandisyo.” Elyo aboobo cakaboneka kuba a lusyomo luyumu loko, mbuli, mu mazuba ayo, kusyoma kuti Ijwi eli lyakali lya bwini; alimwi, eco Leza nca kasyomezya, Uyo cita.

⁷ Elyo, pele, nywebo mwabona, “I mupati maningi wa ceeci ngu luyandisyo, nduyandisyo.” Mbuli Mukwesu Leo mbwatondezya cifumo cino. “Luyandisyo! Oko kuli myaambo, iyo mana. Oko kuli zisinsime, ziyo kakilwa. Pele cindi luyandisyo, luli nduyandisyo, luyo kkalilila lyoonse.” Mwabona?

Oyandwa Kabelele ulimukufwa, muyandisi
 Ijwi Lyako
 Tabu sweekelwi nguzu zya Mbubo,
 Mane yoonse Mbungano ya Leza yaka
 bbadelelwa
 Ika futulwe cakuta bisya limbi.
 Kuzwida ciindi Ne kabona kalonga
 Zilonda zyako zilazwa kasensa,
 Luyando lunununa lwa li mwaambo wangu,
 Elyo luyooba mane Nka fwe.

⁸ Ndi yeeya kuti kwiina cintu cipati kwiinda luyando. Elyo luyandisyo, ikuti na ta tukonzyi kucitondezya... Lino, inga twaamba kuti tu jisi luyandisyo, tu laamba buyo boobo. Pele cindi twa konzya kupandulula ncobeni eco nco twaamba kuti tuli jisi, mpawo tula citondezya muli lwesu.

⁹ Lino ta tuli bantu balondokede. Tula lubizya kwesu. Tula cita zintu zilubide. Pele, nywebo mwabona, luyandisyo luvumba zyoone ezyo. Tuli libambilide, cindi twa bona bulubizi bwesu, kujoka a kulilekelela kuli umwi aumwi. Inzya, abo—abo mbasilumamba. Abo—abo mbaalumi a banakazi ncobeni abo basintaze. Kufumbwa muntu inga waunka ku busena bwakulwanina nkondo, oyo ujisi camba cikubwene kweenda okuya; pele cindi ausigwa ansi, mpawo ula buka a kucisola alubo, mwabona. Kwakali kuba lwiimbo olo mwaalumi mukubusyi a mwanakazi mukubusyi ndo bakali kwiimba mu mbungano, “Ikuti na Ndawa na ikuti Nda kakilwa,” mwabona, “ikuti na Ndawa na ikuti Nda...” Nda luba obo mbo ceenda. “Andi buke a kusola alubo.”

Kondi jatila, Mwami, aku ndisoleka ciindi
 comwe cimbi, (Mwabona? Mwabona?)
 Ikuti na Nda kawa na ikuti na Nda bisya,
 andibuke a kusola alubo,
 Kondi jatila buyo, Mwami, aku ndisoleka
 ciindi comwe cimbi.

¹⁰ Elyo a boonse bantu bali mwaanda a makumi obilo okuno antoomwe, muli sinikizidwe ku—ku jana zintu ziindizimwi, i sinkondo uyo fumpa akati kanu, a kwiinda mu mizeezo yanu, a—a katalika *ceeci*, eco. Koima buyo cindi acicita. Amu yeeye kaindi, amuyeeye cifumo cino, amuyeeye ziindi no mukkede antoomwe mu masena Aakujuju muli Kristo Jesu.

¹¹ Nobamwi muli mapulambasi abamwi mbabezi bamapulanga abamwi *obu*, *obuya*, a bumwi *bumbi*. Ula kucumba maboko a nyika buzuba abuzuba, cindi wanooli kubusena kuya. Pele cindi wabona zintu ezyo, a masunko mapati kabuka, amuyeeye buyo aya masena, masyoonto asetekene awo mpo mukkede antoomwe, a cintu cilikke eco cikkala. Incito zyako ziyo kakilwa, bumwi bwa mazuba aya. Nseba yako iyo kakilwa.

Abwalo buumi bwako, ano aa nyika, buyo kakilwa. Pele mpawo Eco tacika kakilwi. Elyo ikuti na Walo ni mbaakani ya zintu zyoonse, nkokuti atu bikke mizeezo yesu aa Cikunguzyo caakati, eco caka tukwelela kuli eci.

¹² Ma, eyi nkamu, mbotu iiboneka kusalala ya bantu! Ta ndaambi zisani zyanu zinji. Zisani zyanu zilasalala, mubwini, a zintu, masyu aanu. Ndi yeeya kuti aba balindu baniini awa, kutali kabeela ka misila yaku milomo ali umwi wabo; boonse babo a masusu malamfu, bakubusyi a batapi, ba myaka yakukomena yaakatikati a boonse. Iiyi. Mwabona? Ee, tomvwisyi buyo kuti ndukono nzi ndo jisi okuno, mwabona, mu kuswaangana kw chapelo eyi niini.

¹³ Ndi yanda kulumba Mukwesu a Mucizi Shantz, awalo, alimwi ku coolwe eci cakuba mu ng'anda yabo. Elyo oyu muunzi wabo lino, oyo ngo bakasambala lubono lwabo, Nda yeeya, mu Canada, elyo waboola kунselelo kuzo endeenda a ndiswe. Ta tuci jisi lukono lwa anyika. Tu yandaula Munzi uciza, Oyo wa Muyasi a Sikuucita kali Leza.

¹⁴ Elyo Nda lumba Mukwesu Leo a Gene, ku bukasimpe mbo bakabede, ku cilengaano eco caka pegwa kuli mbabo cindi ni twa kasanguna kuswaangana. Kwiina kuzumbauzya pele eco nca kamwaambila ziindi zinji. Calo nceenzu, Nse kacibona buyo mbuli boobu. Nda kalizi kuti kwakali cintucimwi kumbele. Cindi mulombwana mukubusyi nakasika kuli ndime mbuli ii... a ciloto nca kajisi ca piramidi, kaimvwi mu piramidi eyi. Elyo wa katanta oko Nkwe kabede, alimwi Nda kalimvwi mu salufa, mutiba, na cintucimwi mbuli mumuni.

Wa kati, "Mukwesu Branham, mbobuti mboya kusika kutala okuya?"

¹⁵ Elyo Nda kati, "Mukwesu Leo, Leza weelede kubikka muntu mu busena obu atala awa." Nda kati, "Lino mukuti mwabona, kubweeda ku bantu a kubaambila kuti mula syoma kuteeti nca Leza."

¹⁶ Elyo kuziba kuniini mpawo, kuti cindi Ne kajisi busena, Nda—Nda bayanda balombe, alimwi Nda kali kuyanda ku—ku babikka mu ii—ii busena obo Mbwe kali kukonzya kuba ambabo, elyo ba katalika kupanga mateepu, pele nywebo mwabona, kuciimo mbuli lwangu, niba kacili kupanga mateepu, kuciimo Mbwe zyi, pele ino ncintu cipati maningi Leza nca kabacitila, kwiinda kupanga mateepu, mwabona. kanji uli onse inga wapanga teepu, oyo ujisi bupampu bwa kuyasya tepu rekorda na ukonzya kubambala. Pele citola kusololelwaa kwa Muuya Uusalala kweenzya nkamu niini antoomwe mbuli eyi, cifumo cino, a kuba bikka antoomwe mu lumvwano a lukamantano, alimwi kaba cijatilide ku Mulumbe.

¹⁷ Leza, akube kuti Yebo—akube kuti Yebo ape, ku bantu aba, buumi bulamfu ano aa nyika, lukkomano a lutangalo,

elyo mpawo “njila mu lutangalo lwa Mwami” ku mamanino aa lweendo.

¹⁸ Tuli libambilide lino ku nkondo, Mweembo ngwa kulila. I ziimbo zya kaimba, lino kwasika Ijwi. Nda yeeya, mbuli Mbwe imvvi awa, kuti nywebo mulizi... Iiyi, antela mula cita.

¹⁹ Pele kumvwa bukanazi obu bwa baaba basilumamba bakubusyi awa! Elyo lwangu kucembaala, a kuswiilla koonse, a lusyomo a kaanzambwene kanu, a ceeco nco mwabikka mu kusyoma Mulumbe oyo—oyo Ngwe kapegwa kwa Leza. Lino, ikuti ni kwaatali ndinywe nyoonse, Mulumbe inga tii wagwasya. Mwabona, kweelede—kweelede kuba muntuumwi waku Ci syoma. Elyo kufumbwa kuti Ca boola kuzwa kuli Leza, kuyooba muntuumwi uyo Ci syoma, nywebo mwabona. Leza wakabamba nzila. Wa—Wa kabamba lubono Lwakwe lupati mbuli boobo, kuti, cindi Na tuma Cintucimwi, kuli cintucimwi okuya cakuswaana Cintucimwi eco. I Kuvuuma kupati ku kwiita kuvuuma. Kweelede—kweelede kuba nzila eyo.

²⁰ Nda botelwa ijwi eelyo Mukwesu Gene ndya kabelesya mu mupailo cifumo cino, “Mu nkuta Zyakwe zya ivwiwi.” Nda limvwa boobo cindi Nda zabuka cizabukilo eco kunselelo okuya, ku—ku njila omo Leza mwa lemekwa a bulemu. Elyo lyoonse kucibamba munzila eyo. Takukwe makani cindi sinkondo...

²¹ Lino amuyeeye, muta lubi eci; Mukwesu Leo a Gene, kapati. Lino, muyeeya kuti Saatani uyo lekela eci kuzumanana mbuli obu, kakutakwe cisinkila? Oh, peepe. Masimpe ta kaciti. Uyo uluka mukati, bumwi bwa mazuba aya, mbuli buyo kambizi. Pele cindi i—cindi sinkondo anjila mbuli zambangulwe, Muuya wa Leza ula busya ceelesyo caku mulwana. Kozumanana buyo kulinyamuna omwini mu mupailo kumbele lya Leza. Mujatilile kuli umwi aumwi. Mutilile kuli Leza. Nkambo, ikuti na mula yandana, citondezya kuti mula muyanda Leza. “Eci bantu boonse bayo ziba, kuti muli basikwiya Bangu, cindi mwano jisi luyandisyo kuli umwi aumwi.”

²² Elyo Nda kayeeya, kaindi kainda, “Ino kwiimba kubotu! Ino majwi mabotu! Ino ni nkamu mbotu ya baalumi a banakazi, balumi a bamakaintu; bakubusyi, bakaindi, a ba myaka yakukomena yaakatikati, bakkede antoomwe awa.” Nda kayeeya, “Ee, beelede kuba acalo mu Prescott, beelede kuba kunselelo okuya alimwi beelede kuba a kapepele kaniini ka maredio mbuli boobo.” Mpawo, nywebo mwabona, eco inga tiicaba mbubonya buyo eco Leza nca kaita baalumi aba bakubusyi kucita. Mwabona? Mwabona? I Nabwiinga uli mukuitwa kuzwa, mwabona, kaitwa kuzwa, lino mulimo wanguli abusena awa, ku kwiita. Elyo mpawo zintu mbuli ezi, alimwi awo mpo mu lyeendelezya Iwanu antoomwe, a kulijata omwini, awo mpo yanda kuleta bana bako, umwi aumwi kalangilila buzuba abumwi, mbuli liso lya sikwaze kali mamela bana babo,

kutegwa muta...Ikuti na wabona cintu cili coonse cilubide, mpawo koita muntu oyo ambali a ku cikombela, a zintu mbuli ezyo. Mwiibambe kai njoloma, kusalala, kutegwa Muuya Uusalala ube a busena bwa kuswayila.

²³ Leza ulayanda kukombwa. Elyo cindi wa Mu komba, takuli kwiimba buyo kwini lwiimbo mbuli mbo tucita, pele ku yiimba mu muuya wa kukomba, nywebo mwabona, mpawo umvwa Muuya Uusalala kaujokoloka.

²⁴ Elyo Nda bona mwaalumi mukubusyi mupati ncobeni awa, kuyeeya buyo buzuba nkamu eyo ya balombwana bakubusyi kaba kkede alya, balombe bakubusyi a bamakaintu babo baniini bakkede awa, a bantu, batapi bakali bakkede alya a kulila buyo mbuli bavwanda baniini.

²⁵ Baa, amulange sunu, bali kookuno mu kagwagwa, kabapona mu mamambi a busofwi bwa inyika, a zintu.

²⁶ A kuyeeya kuti inga mwaboola ambali akubungana mbuli obu, oko Sintembauzyo mbwa kaamba kuti, "Amubone obo bubotu a bweebeka ku bakwesu kukkanla antoomwe mu lukamantano. Cili mbuli mafuta akunanika aakali aa cilezu ca Aaroni, eco cakazuzila ku moombe wa zikobela zyakwe." Kwalo, ayo mafuta akunanika... Ayo, nywebo mulizi mafuta akunanika nca kacita, aka mubamba kunjila mu Busyu bwa Leza. Mwabona, wa keelede kunanikwa a mafuta ayo katana unka mu Busyu bwa Leza. Elyo cindi bakwesu niba konzya kukkanla antoomwe mu lukamantano, luli kozyanisya ku mafuta ayo. Tula njila mpawo mu Busyu bwa Mwami, a bunanike obo bwa bakwesu antoomwe mu lukamantano. *Mafuta aiminina* "Muuya Uusalala."

²⁷ Lino sa inga twaba a ijwi buyo lya mupailo kalitana njila mwa kubalila kwa Ijwi.

²⁸ Taata Wakujulu, mbuli mukwesu wesu mbwa tondezya cifumo cino, kunjila mu nkuta zya Mwami! Lino, Taata, tula mvwisya nkamu eyi ya bantu awa, elyo lino eco Nce wamba, Nde elede kuyo peda bwinguzi ku Buzuba bwa Lubeta. Elyo aba mbanda Bako. Ba longezye, Taata, cakuzumanana. Longezya Mukwesu Leo a Mukwesu Gene. Akube kuti beenzegwa a Muuya Uusalala Wako, ku kweenzya bantu aba, mbuli mbo tubamba ciimo eci camuzwakule ku sunset. Elyo mpawo, O Muuya Uusalala wa Leza, ko tusololela ku Mwana. Ko cipa, Mwami.

²⁹ Komona Cinkwa ca Buumi kuli ndiswe, kwiinda mu Ijwi. Elyo tuli...Lino tula mvwisya kuti tuli mu nkondo lino. Tu samika zibeela zya zilwanyo, abusena awa ali bamasooja aba, ezyo nzobaya kulwanya, mu maora ayo asyeede mu buumi. Elyo Nda komba, Mwami, kuti Uyo bikka mpoonya awo kabeela koonse mpo kazulilwa, oko nkoba konzya kukwabililwa i-i

sinkondo kufumbwa cindi aboola kubalwana. Ko cipa, Mwami. Twa komba mu Zina lyá Jesu Kristo. Ameni.

³⁰ Lino, Mubwini nda muka aniini mu—mu kukanana, nkaambo Nseli—Nseli mukutausi wakayiisigwa. Ndi lizi kuli bantu okuno abo basongo, bapampu, basibupampu, alimwi baka kkala ambali, kuboola kuno eno akuli tola aansi, mu bubombe. Paulo Mupati, muapostolo, Ndi yeeya majwi akwe cindi na kati kuti, “Nse kaboola kuli ndinywe a majwi akweelelezya aa muntu, nkaambo mpaawo inga mwabikka lusyomo lwanu muli ceeco, pele Nda boola kuli ndinywe mu nguzu zya Muuya.” Mwabona, zintu zipati ezyo nzya kazi nzya kajisi, wa kabikka ambali. Elyo Nda limvwa cifumo cino, mbuli mwaalumi okuno, mbuli Mukwesu Hughy a mucizi, mwiiyi okuno kuzwa ku masena akutolela lusyomo, elyo bunji bwamu no bantu abo bapampu a basongo ncobeni; elyo Nda—Nda limvwa aniini loko kwiimikila awa a lwilayo lunji kwiinda Ndwe jisi, kumbele lyanu. Pele Ndi... Elyo mpaawo kubona kuti nywebo no bantu, mbuli booboo, inga—inga mwa libombya lwanu ku zintu ezyo, cibikke ambali, a kukkala a kuswiilila ku muntu oyo utazi ma ABC abo, upanga bantu balemu kuzwa kuli nduwe. Tali oyo uukonzya kudukumanya makuko akwe, a kweenda kuzwa a... Ngo nguwe ukonzya kulibombya mwini.

³¹ Ndi yeeya kuti, siciimo, ula eelekwa ku... mwaalumi, kutali ku milambi ku kuboko kwakwe na kwiinda ku matozyi mu maanza akwe, pele zibata mu mazwi aa bulukwe bwakwe oko nkwa kakomba. Ndi yeeya kuti eco nce cibamba mwaalumi.

³² Lino Ndi yanda kubala, cifumo cino, Bbaibbele limwi. Elyo Nda botelwa Ijwi, embo na? Lino twa komba Mwami, nkabela tuyu zumanana ku Mu komba. Lino atu Mu kombe mbuli ii—ii Cceba lyá mabemba obilo, mbuli Mbo liinda muli ndiswe, kuziba awo mpo twiimvwi.

³³ Elyo Nda—Nda kkala, nkaambo obu mbusena bomwe Mbwe limvwa kuti inga Nda—konzya kuyiisyá zintu ezyo Nze yanda kwaamba cifumo cino. Elyo mpaawo, mubwini, Mukwesu Leo a Gene, a balo, bayo—tuyo babclesya, mbuli cindi twa zwa, nkabela uyo leta twaambo mbuli mbo Nda mumvwa kwaamba caluzyalo loko mu mulumbwe wakwe cifumo cino. Kuti, ula jata eco. Pele tamu konzyi ku caamba kuzwa ku cibumbili mbuli boobu na aa mateepu alo, pele, mwabona, amu kkale buyo ansi a kwa langalanga. Kuzumanana buyo kwai langalanga, kuloolola a kuloolola. Nciyumu kumvwisya. Bantu banji loko taba Cimvwisyi! Elyo sena mwakalizi, katanga kaniini—kaniini, cili—cili munzila eyo akati ka bantunsi boonse? Mbo cakabede lyoonse.

³⁴ Ikuti na tiiba kakonzya kumvwisya Mwami a Mufutuli wesu, Jesu Kristo, (abalo baapostolo Bakwe, mwabona) mpaawo mbobuti mbo tukonzya kulangila ku Ci mvwisya mu buzuba

obuno, nywebo mwabona. Wa kati, inga Wa amba zintu ziluleme, nywebo mulizi, nkabela inga Ta zipandulula. Inga wa zyaamba buyo. Kati, mbuli kupa mukozyanyo, “Mwatalya mubili wa Mwana wa muntu a kunywa Bulowa Bwakwe, tamukwe Buumi muli ndinywe.”

³⁵ Lino cintu, lino ino kuti ii—ino kuti dokotela nakaimvwi munsi, na narsi na cintucimwi, mu mbunga eyo, buzuba obo, Wa kali kwaambaula nkuko? Ee, ba kati, “Oyu Muntu ngu sindya bantu, mwabona, uyanda kunywa Bulowa Bwakwe.” Mwabona, Ta ka cipandulula. Wa ka caamba buyo. Pele kumane booboo, Paulo wakasika ambali a ku cipandulula, nzila mbo cakali kulya mulalilo, nywebo mulizi, “kulya Mubili Wakwe a kunywa Bulowa Bwakwe.” Elyo aboobo Wa kaamba buyo zintu ezyo.

³⁶ Elyo kumalekelo, ku mamanino, baapostolo buzuba bumwi, akwalo kwiinde bubuke, kwakali umwi wakali kuyaamina ku ciwezo Cakwe, Johane Wa kayanda. Wa kali mwaalumi mukubusyi. Elyo Wa kati, “Ino ncinzi kuli ndinywe ikuti na oyu muntu katanasika mane Nka boole?” Mpaawo kwakaunka kaambyo akati kabo, kuti Johane takali kuyo—yofwa mane Jesu waka bweeda. Jesu takaamba ceeco, Walo buyo, “Ncinzi . . . ?” Wa kati, “Ino ncinzi kuli ndinywe ikuti na wamuka?” Elyo mpawo, mubwini, mula bala mu—mu Ijwi lyesu, obo kuti—kuti Leza mpawo . . . Eeo ca kaambwa ku bukanze. Ezi zintu zyonse nzya bukanze. Leza wakabweza oyo John mukubusyi a kumu sumpula mu Muuya, a kubona Kuboola Kwakwe, kulaale okuya mu i—i bukkalo obo buboola. Mwabona, kati, “Ino ncinzi kuli ndinywe ikuti na wamuka?” Ta kamuka, kunyama; pele—pele Ijwi eelyo Ndyia kaamba kwiinda muli nguwe, lya katuleta ku bukkalo obu oko nko tubede lino, nywebo mwabona. Aboobo, zyonse zila beleka antoomwe ku bubotu.

³⁷ Mu Baroma, chipati cizizilwe loko, Ndi yanda kubweza ii—ii tumpango tusyoonto awa, elyo kutandila tumpango tobilo tutaanzi na totatwe, tumpango tobilo, Ndi yeeya kuti mbo cibede, a kubala. Elyo, muli ceeci, kusola ku cipandulula kabotu loko Mbwe zyi, ku lugwasyo lwa Muuya Uusalala. Baroma, cipati 12.

*Nda mukumbila aboobo, bakwesu, ku luse lwa Leza,
kuti mu tuule mibili yanu kuba cituuzyo cipona, cisalala,
citambulika kuli Leza, uuli mulimo wanu uli kabotu.*

³⁸ Nda yeeya kuti eco cakali cibotu loko ku nkamu eyi cifumo cino, eco nco kacita. Lino, “Alimwi,” alimwi ndi bbala liswaanganya, mbuli mbo Ndi mvwa.

*Alimwi muta kozyanisigwi ku inyika eyi: pele
amusandulwe mu kucitululwa kwa mizeezo yanu, kuti
ukonzye kutondezya olo luyando lwa Leza, lubotu a
lutambulika, a lulondokede, ilwa Leza.*

³⁹ Eco nco tuyanda toonse kucita, nku, “Muta *kozyanisigwi* ku nyika eyi, pele amu *sandulwe* kwiinda kukucitululwa kwa mizeezo yesu, kucita luyando lulondokede a lutambulika lwa Leza.” Lino kuti twa kafutulwa, mbuli mbo tubede; alimwi kuti twa kazulwa Muuya Uusalala, mbuli mbo tu jisi; lino tu yanda muzeezo wakali muli Kristo, kuba muli ndiswe, kutegwa tucincwe kuzwa ku zintu zyakunyama zya buumi, a kuletwa mukati kucita luyando lulondokede ilwa Leza, kwiinda kukusandula, kwa Muuya wa Leza, kwiinda ku Ijwi Lyakwe.

Lino ciiyo cangu ngu: *Nguzu Zya Kusandula*.

⁴⁰ inga Nda siya Bbaibbele lyangu *awa*. Lino, cakali kuba, myaka yakainda, cindi Ne kali mwaalumi mukubusyi mbuli baalumi aba, Nse—Nse elede kulemba Magwalo angu a—a zintu cindi Ne kali kulangalanga. Pele lino mbokunga Ndiya bucumbaala, baa, Ndi bwezede bbuku liniini. Elyo—elyo cindi Nda jana cintucimwi, baa, Nda cilemba aa mapepa, ndeelede kucibikka aa Lugwalo. Elyo twakali kunga, Nda kajisi buyo mundando oyo wa Magwalo moonya mu mizeezo yangu, Nda selemuka buyo ncobeni.

⁴¹ Pele, beenzuma bayandwa, Nseli mukubusyi mbuli ndinywe nyoonse, cifumo cino. Pele Nda cembaala, alimwi Nda kainda mu nkondo zinji zikali, mwabona; alimwi, kwiinda mu nkondo ezyo zikali, kukuleta oko nkobede cifumo cino. Mwabona? Aboobo, Ndili masimpe mula mvwisya eco. Leza wandi bikka kwiinda muli ncico, kuti buumi bwangu inga bwajula nzila, ku kwaamba “*oyu ngo Nguwe, mwabona*,” mpawo nyoonse mwazuza kulanduka mugwagwa oyo. Pele kumbele lyangu, kwakali muntu umwi wakajula nzila yangu ya kuunka. Mwabona? Alimwi tu jula mugwagwa, umwi kuli umbi. Elyo mbuli mbo mubona, ciindicimwi, siluzibo lunji wacamba kuya bukomena, a mbata zyakwe zyoonse ali nguwe, alimwi mbuli Paulo mbwa kaamba ciindi cimwi, “Ndi jisi mu mubili wangu mbata zya Jesu Kristo.” Nywebo mwabona? Obo Timoteo mbwakali kulanga aa mbata ezyo, Nda yeeyela, a lulemeko, mbuli mbwa katuula kuli Timoteo muniini.

⁴² Lino, “kusandulwa.” Nda kali kubeleka ku Public Service Company, oko nko twa kajisi bavwimi, a kusandula. Lino bbala ngu, bbala lyaamba, muli lini, cintucimwi mbuli...Ku *sandula*, caamba “cintucimwi caka cinewa, cintucimwi eco cakacincwa kuzwa ku zintu comwe kuya kuli cimbi.”

⁴³ Elyo mbuli Mbwe yanda kukanana, kwa maminiti atobela ali makumi one aosanwe na oora, aa—aa kusandula, Ndi yanda ku—ku belesya cibalo eci. Elyo inga Nda—Nda amba zintu zimwi, mukati muno, ezyo ziboneka bweenzu loko. Elyo mbuli Mukwesu Leo mbwazwaa kwaamba, “Ko cibweza a kulangalanga buyo kuli ncico, kaindi kaniini.” Mwabona, amu ciyeeye buyo aniini.

⁴⁴ Ku sandulwa nku “cincwa a kubambwa cintucimwi candeene.”

⁴⁵ Mbuli ii—ii mvube, ya kasandulwa kuzwa kuli mvube kuya kuli cula. Mwabona, lomwe, wa kaboneka mbuli kkatifishi, wa kayamba konse, uli—uli jisi mutwe a mucila wakwe, a zintuzyonse ziboneka buyo mbuli ii—ii kkatifishi. Mpawo, kwainda kaindi, ula talika kusweekelwa, ula sweenkelezya mucila, alimwi wa—wa kasandulwa kuzwa ku musyobo umwi wazilenge kuya kuli umbi.

⁴⁶ Ndi yeeya kuti ncencico Paulo nca keelede kuba mu mizeezo, cindi na kati, “Amu sandulwe kwinda ku i—ku kubukulusya.” Atu bone, andi cilulamike eco. “Elyo muta kozyanisigwi,” nywebo mulizi caka *kozyanisigwa* mbo cibede.

...muta *kozyanisigwi* ku *inyika eyi: pele amusandulwe* ku *kucitululwa kwa mizeezo yanu*,...

⁴⁷ “Kucitululwa kwa mizeezo yanu.” I zintu ezyo nzokali kuyeyya ciindi cimwi, kuba ziyanidis, kubikka ezyo ambali a kusanduka kuba cintucimwi cimbi; obo mbo kabede ciindi cimwi, kuli obo mbobede lino. Mwabona?

...ku *kucitululwa kwa mizeezo yanu*, kutegwa *mutondezye...olo luyando, lubotu a lutambulika, a lulondokede, ilwa Leza*.

⁴⁸ Oh, eco nco tuyanda toonse kuziba, nzila ya kucicita. Mwabona? Tuli waano, tula Mu yanda; Wa katu futula, lino tu yanda kuziba eco cakucita. Alimwi tu sola kubweza eyi ntaamo niini cifumo cini, ku kutanta buyo atala kapati. Ziindizimwi tweede kuumu zintu ezyo...Amu jatilile buyo kwa zisyoonto...mane tu bone eco mbo ciyutuka kuba.

⁴⁹ Lino mu Matalikilo, capita 1, “I Muuya wa Leza wakeenda aatala lya maanzi.” Tula mvwisya kuti maanzi...Elyo—elyo Bbaibbele lyakati, “Ku matalikilo kaindi okuya,” kuti, eci, “inyika yakali pilingene, nkabela yakabulide ciimo.” Kwakanyina cintu pele mudima buyo wa lupyopyongano. Elyo—elyo ino nciimo ciyoosya moca keelede kuba. Taakwe cintu pele kulaale mu mudima kulaale, kakutakwe mumuni na kufumbwa cintu, a kubila kwa maanzi, alimwi eyo inyenyeesi izunguluka onse a kuzunguluka mikondo kubusena okuya. Kweelede kuti zyakali i—i zintu zibotu kapati zya—zya—zya cintucimwi caka sweeka, mbuli mbo cakabede, tii cakakonzya kujana nzila yayo.

⁵⁰ Elyo mbo mbubo mbo tuba cindi twaba nyenyeesi zituntulika, kuzwa kuli Leza, kakutakwe bulangizi, kakutakwe Leza; kakutakwe, kuzunguluka buyo koonse, omuya mu mudima, mukutaziba cindi twa...oko nko tuya.

⁵¹ Elyo Leza waka bweza lupyopyongano olo lupati lwa mudima, aku cisandula kuba muunda wa Edeni, mwabona, kwiinda ku Ijwi Lyakwe. Eyo nje nzila mbo tusandulwa, ku

Ijwi lya Leza. Cindi Leza nakati, "A kube mumuni," nkabela obo cikama ca bulenge okuya bwakasika kuzunguluka zuba, a kutalika kuzyunguluka zuba, a kuba muunda wa Edeni nkaambo lya kaswiilila Ijwi lya Leza. Lwa kacita luyando lulondokede ilwa Leza, nkambo lwaka sanduka kuzwa ku lupyopyongano, kuya mu muunda wa Edeni, kwiinda ku Ijwi lya Leza.

⁵² Lino nke kaambo ncotuli waano. Oyo Mulumbe wangu, wali kuzwa kumatalikilo, ndi Ijwi lya Leza. Twe elede kujatilila kuli Ceeco kakutakwe kulanganya zintu zimbi zicitika. Lyoonse amukkale a Ijwi eelyo. Lyoonse lingula kuyanda a makanze anu, ikuti na cileendelana ku Ijwi lya Leza. Ikuti na tacili obo, kocisiya cilikke. Mwabona? Pele ikuti na cili a Ijwi lya Leza, a kweendelana a Ijwi lya Leza, mpawo, kuti, ko jatilila kuli ceeco.

⁵³ Lino, Leza ziindizimwi, mbuli buyo nkamu yako niini awa cifumo cino, Ta cilekeli kucitika busiku boonse. Ula lekela, Leza . . . Nde ndiswe banjila mu kubinda, Leza tali mu kubinda, Walo ucaamba buyo, alimwi, kuti ciyooba, nkambo cindi Na amba cintu cili coonse, ceelede kuba, ciyooba buyo. Ula—Ula cilekela kubweza ciindi caco.

⁵⁴ Wa kalekela bana ba Hebrayo, basyakacite bampuwo bamu Lugwalo, abo bakaimvwi aa Ijwi lya Leza kuba bwini, ba kat, "Leza wesu ula konzya kutuvuna kuzwa ku bbila lyamulilo eli, nekubaboobo," mwabona, "ta tukokotamina cikozyano, nkaambo cilwana Ijwi," mwabona, "nekubakuti, ikuti na Wa tujaya, Uyo tubusya alubo," nywebo mwabona, mwabona, elyo balo, Wa kabalekela kweenda nkoonya kumamanino a bbila lyamulilo eli pati, a kulokela muli ndilyo, kacitana kuboneka mbuli kuti Wa kabikkila maanu, mbuli kuti Ta kali kubalangilila akwalo; pele lyoonse Ula langilila, nekuba. Ula langilila eci lyoonse.

⁵⁵ Lino Leza wakati, "A kube mumuni." Elyo myaka ili zyuulu zili cisambomwe cakatola Edeni eyi kuti ibbole kuba, alimwi tula yiisigwa mu Lugwalo, "Nkambo buzuba bumwi aa nyika ngu . . . na—na—na mbuli myaka ili cuulu, a Leza; myaka ili cuulu aa nyika, mbuzuba bomwe kuli Leza." Aboobo cakatola myaka ili zyuulu zili cisambomwe kupanga nyika eyi, a kwileta mu Edeni. Pele, nywebo mwabona, wakali Leza, Simalela mupati wa bupampu boonse, alimwi Wa—Wa kali jisi mu mizeezo Yakwe eco Nca kali kuyanda kucita.

⁵⁶ Mbuli buyo cindi muntu nakayaka eyi trela, cindi muntu oyo . . . Cindi nywebo no bakwesu awa bakapanga paaki eyi, obo mbo munga mwa cikonzya, cakali mu mizeezo yanu, mwaka zumanana kubeleka cilengaano eco.

⁵⁷ Eyo nje nzila Leza mbwa kacita kujatikizya inyika. Wa kabeleka; cakali mu mizeezo Yakwe. Elyo, ikuti na mwalangisya, caka boola mbuli kusumpuka bucebuce, mbuli Mbwa kali

kwiiya ciindi coonse, kupanga cintucimwi cipati maningi a cipati maningi. Pele, mwabona, Wa kali atala lya ncico coonse, a kucilekela buyo bucebuce kuli ceeco, nywebo mwabona. Zintuzyonse Nzya katalika kuleta aa nyika, kuzwa ku buumi bwa masamu, a nswi, azimwi zimbi; ya kaboola mu bayuni, a banyama; elyo mpawo cintucimwi mu cinkozya Cakwe Mwini, muntu; a kwiima awo, mwabona, nkaambo cakali ku bulondosi Bwakwe, kuli ceeco Nca kali kuyanda.

⁵⁸ Eyo nje nzila mbo mutualika, mbuli trela eyi. Inga mwabikka bubambe bwaansi, nkabela wati, “Ino ucita nzi?” Mbuli ndinywe, cindi nyoonse nimwa kagwisya myaala ntaanzi kuzwa ku kkona eli awa. “Ino ucita nzi?” Mwabona, tii cakaboneka mbuli kuti inga caba mbuli mbo cibede lino. Ili bonya mbuli Edeni niini, nkaambo yakali mu mizeezeo yako eco cakucita, elyo wa kazumanana buyo kubeleka.

⁵⁹ Lino tu yanda kusandulwa, Iwesu, ku kucincululwa kwa mizeezeo yesu. Mwabona, kutali eco nco tujisi aa nyika eyi, eco nco tuyu yandaula aa nyika eyi; pele eco nco tu boola, mu inyika eyo yeelede kuboola. Kusandulwa kwiinda ku kucuncululwa kwa mizeezeo yesu!

⁶⁰ Lino, myaka ili zyuulu zili cisambomwe, Leza wakatola ceeci, alimwi tula bona mu Matalikilo 1. Nekubaboobo, lino tula bona kuti, muli ceeci, Leza waka jisi ii—kajisi kaambo Nka kali kuyanda kuleta kicitika.

⁶¹ Elyo bantu banji loko, mu kuiisya Matalikilo, kaindi awa mu cipati 1 a cipati 2, a cipati 3, kapati, “Ci boneka mbuli kuti Leza ulaliloolola Mwini. Na Wa kati, Wa kazumanana a kwaamba zintu ezi zyoonse Nzya kacita. Oh, obo Mbwa... ‘A kube mumuni, a kube *ceeci*, a kube kuyutuka,’ nkabela kwakanyina akwalo cintu comwe.” Tii kwakali cintu. Kwa kanyina mumuni. Eyo—eyo inyika yakaindi yaka cili kwiibuka omuya mu mudima oyo, kaivumbidwe maanzi. Pele, mwabona, Wa kaamba Ijwi Lyakwe, elyo mpawo nce cindi Na kali kukanana.

⁶² Lino tula bona awa mu Matalikilo 1, Wa kati, “Elyo Wa kapanga muntu mu cinkozya Cakwe Mwini, mu bukozyanye Bwakwe Mwini, mu cinkozya ca Leza Wa kapanga (Wa kapanga) walo, mweenze a muzyazi.” Mwabona, Wa kali kupanga muntu, Wa kaamba buyo Ijwi. Mpawo tu jana kuti, nikwakainda mazuba Aakwe manji akainda, ndiza myaanda a myaanda ya myaka, kwakanyina muntu wakupanda bulongo. Taakwe muntu wakupanda bulongo, aboobo mpawo Leza wakapanga muntu kuzwa ku suko lya nyika. Mwabona, Wa kaamba Ijwi, elyo mpawo Ijwi lya keelede kicitika.

⁶³ Lino, cindi Na kati, “A kube mumuni,” ndiza kwakali myaanda ya myaka, ndiza myaka ili myaanda ya lusele, kakutana

sola kuba mumuni, pele cakacitika nkaambo Leza wakaamba boobo.

⁶⁴ Elyo Leza uyooba a Mbungano, Ta ndikwe makani na makkalo manji buti amusinze ngo twiindamo, a kufumbwa zimbi. Uyo oba a Mbungano iitakwe kaimba na kabala, naa tuli cibeele ca ncico na pe, nkaambo Wa kaamba kale kuti ciyo citika. Ci yooba.

⁶⁵ Elyo—elyo Wa kalailila, ku—ku cisandula kuba buumi bwa masamu a buumi boonse obo Mbwa kabikka. Wa kaamba majwi aya, mbuli, “A kube samu lya palumu. A kube samu lya mubanga. A kube fee.”

⁶⁶ Amulange kunselelo mu lukula, oko nko tukkala kumusanza okuno mu Tucson. Kubusena kuya, kuli kkakitasi, kkakitasi isotoka, misyobo yoonse ya makkakitasi. maminiti buyo kuzwa awao, kuli Sherman paini atala lya mulundu. Lino, eyi kkakitasi tai kameni atala *alya*, alimwi ayalo eyo Sherman paini tai kameni aansi *awa*. Lino, bwakali kuli Bupampu bwaka syanga mbuto? Mwabona, ba kacita kuzwa kubusena bumwi. Lya kali Ijwi lya Leza, “A kube,” nkabela cakaba.

⁶⁷ Lino, tu jana kuti yoonse eyi (Na kamana kwiibamba, kwiisandula kuba musyobo wayo a buumi bwayo, alimwi—alimwi coonse caka bikkwa mukati kwiinda ku Ijwi lya Leza, Mulengi), calo conse, ku jana kuti, kuti eco conse ciya ku hedikkota, iitegwa muunda wa Edeni; alimwi Leza wakabikka mwana Wakwe, a nabwiinga wa mwana Wakwe, kuli ncico coonse. Mwabona? Obu bulenge upati, mwabona, Wa kajisi kaambo kuli ncico. Wa kabamba zintuzyonse kubota loko! Wa kapanga malubaluba, a buumi, a bayuni; nkabela kwakanyina lufu, taakwe cibi, taakwe kuusa, taakwe kuciswa. Elyo mpaawo cintu eci coonse cipati ciya ku hedikkota yomwe mpati, oyo wakali muunda wa Edeni.

⁶⁸ Elyo mpaawo Wa kabikka mwana Wakwe, Adamu, a nabwiinga wa Adamu, mukaintu. Lino inga wati, “Wa kali mukaintu wakwe.” Munzila imwi wakali mukaintu wakwe, pele takalina...takali naba mukaintu wakwe ncobeni.

⁶⁹ Mbuli mu Lugwalo, tu jana kuti, awo Mpo lya kati, “Josefa, yebo omwana wa Davida, uuta yoowi kuli bwezelza Mariya mukaintu wako, nkambo eco cimitidwe muli nguwe nca Muuya Uusalala.” Mwabona? Lino wakali mukaintu wakwe cindi na kapanga cisyomezyo caku mukwata, na ku mukwata; pele nekubaboobo takali mukaintu wakwe, pe, nkaambo takalina muziba mbuli mukaintu.

⁷⁰ Aboobo eyo nje nzila mbo cakabede awa, kaambo Nce kati, “Mwana wa Leza a nabwiinga wakwe.” Adamu takalina ziba mukaintu wakwe mbuli mukaintu, pele nekubaboobo wakali mukaintu wakwe, mubumwi. M bubonya mbuli Mbungano lino, a Kristo.

⁷¹ Lino, mpawo, zyoonse inga zya lyookezya, nkaambo imbuto zyoonse zya Ijwi bbotu lya Leza, ezyo Nzya kaamba, zya kazyala musyobo wazyo. I nyika yaka boola, kwa kali mumuni. Kwakali kumweka kwazuba cindi Na kalekela zuba kumweka. Lino nkaambonzi Nca kabamba zuba kumweka? Wa kali jisi mu mizeeo Yakwe, mwabona, kuti, ikuti na zuba tali bali, lubaluba tali kakomene, kuti Walo ukanaana kuba. Ula bamba zintuzyonse kukkwanya bukanze bwaco, kufumbwa mbo cibede. Mbuli musamu, uzyala museke umwi, na uzyala apele. Walo upanga mucelo wa muunda, azimwi zimbi. Konse nkwa bukanze Bwakwe. Elyo zintuzyonse zya kacitika, alimwi Wa ka caamba. Lino cintu biyo Nca keelede kucita, kumane ku caamba, Wa... ku caamba, mubwini. Wa kali kukonzya kuunka ku kulyookezya, nkaambo Wa ka caamba, alimwi coonse cakali kweelede kicitika nkaambo Wa ka caamba. Ta ndizi nzila akunji mbo cakainda mo kacitana kicitika, na mbangaye bakaka a kumbi. Pele caka boola kicitika, nkaambo Wa kati ciyo citika. Wa ka caamba.

⁷² I cintu nciconya mbo cibede kujatikizya kuba a Mbungano okuno ku mazuba akumamanino. Uyo oba a Nabwiinga. "Ula konzya ku mabwe aya kubusya bana kuli Abrahamu." Ikuti na ta tu Mu tobeli, Uyo jana muntuumwi umbi uyo Mu tobela. Mwabona? Uyo oba a Nguwo, nkaambo Wa kacaamba kale. Kufumbwa Nca amba, ceelede kuba munzila eyo. Ta cikonzyi kucinca. Ce elede kuyutuka nzila eyo, nkaambo Wa kati ciyooba.

⁷³ Elyo cintu eci coonse cipati eco Nca kazi kuti ciyo citika, Na kamana—Wa ka caamba, Wa kali kukonzya kubweza kulyookezya. Zintuzyonse zili kubwendelezi! Lunyungu lwakwe wakali Ijwi Lyakwe, alimwi Ijwi Lyakwe ni mbuto. Jesu wakati mbo cakabede. Elyo zintuzyonse inga kazili kabotu, nkaambo Wa ka zyaambide kuti zizyale musyobo wazyo, kusandulwa biyo ku musyobo wazyo. Mwabona, Ijwi Lyakwe lya keelede kuba lya musyobo Walyo. Ikuti na Wa kati "samu lya palumu", Ta kali kwaamba lya palumu a mubanga kusangana antoomwe. Wa kali kupandulula musamu wa palumu *awa*, a musamu wa *mubanga awa*, zintuzyonse mubusena mu busena bwawo.

⁷⁴ Oh, ikuti na twa konzya buyo kwiya ceeco, kuti cibeela ca Ijwi mbo tubede, twe elede kubweza busena bwesu, takukwe makani mbo cibede.

⁷⁵ Ndi yeeya mucizi muniini omuno mu whilucceya, ciindicimwi, ili yongaye mipailo ya kusyomeka ya kabambwa kuli njivo. Mpawo ta tumvwisyi, aboobo twa cituula buyo kuli Leza. Elyo a... Walo ndi lubaluba awa akati kanu, a kubotelwa kwakwe a zintuzyonse. Mwabona, kuti nga twa tanta akuunka konse, nzila mbwa konzya kusukamina ceeco, pele nekubabooo walo mubotu kapati munzila nya kkede. Lyoonse ndananikwa kulangilila mulindu muniini, mwabona, nkaambo waa... Toonse tula syoma mu kuponesegewa. Twa kabona Leza kacita

maleele kulaale kwiindilila ceeco, mwabona. Elyo ulizi obo, awalo, mwabona, pele uli libambilide kubweza busena bwakwe.

⁷⁶ Mwabona, kufumbwa mbo cibede, nce ncico neco tu yanda. Elyo Nda syoma wakali Davida, kati, “Inga ndasala kuba cilyatilo ca mulyango ku ng’anda ya Mwami, kwiinda kukkala mu matente a babi.” Nywebo mwabona, takukwe makani mbo cibede, “bweza busena bwangu.”

⁷⁷ Ziindizimwi weelede kupambula kuzwa ku zintuzyonse ziyanidisaa nyika, kuli nduwe, kubweza busena bwako obo Leza mbwa kakwiitila. Ndili masimpe inga mwabala aakati ka mizila, eco nce Ndili mukwaamba. Mwabona? Ziindizimwi mbantu bayandisi kapati bali aanyika, mbo yandika kusukana maanza ambabo; a kubweza busena bwako muli Kristo, oko Leza nkwa kakwiita. Mwabona? Pele ino Leza ucita nzi? Kukusandula kuzwa kuli obo mbo kabede, ndiza mwanamusimbi na mwanamulombe, na kufumbwa mbo cibede, kuzwa ku mukwasyi mubotu ziindizimwi, Ula kubikka abusena bumwi bumbi. Nkaambo, ni nzila Yakwe ya kucicita, mwabona, ku kubukulusya kwa mizeeza yanu, ku kuswiilila Ijwi lya Leza, kakutakwe kulanganya muulo mboubede. Mwabona? Ezi zintu tazi booli... Tii zya kaita...

⁷⁸ Lununuko lwesu tiilwakali cintu cuubaukide, wa kali Mwana wa Leza wakacita kufwida ndiswe. Mwabona? Ta zili... Zintu zya muulo mupati.

⁷⁹ Kuleta Mulumbe oyu, tii cakali citete. Mwabona? Peepe, tacili obo. Nda kacita kusiya zintuzyonse zyakali ziyanidisaa kuli ndime, nobaba bantu bangu beni, bantubonse. Pele mwabona buyandisi bwa ncico, nywebo mwabona, nku cita luyando lwa Leza. Elyo kucita ceeco, mukuziba kuti kuli cintucimwi muli ndime, cindi nibakali kwaamba... Ee, bakali kuyanda kundi leka; kayeeya kuti Nda nyongana mizeeza yangu. “Kubapatizya mu Zina lya Jesu Kristo, ciimpene ku mbungano. Elyo zintu ezi zyoonse!” Ba kati, “Uli nyongene.” Pele, nywebo mwabona, takukwe makani eco neco bakaamba, kuli cintu cimwi ceelede kucitwa. Elyo Leza ubweza buyo muntu, umukunikila mu janza Lyakwe, a kwaamba, “Kocita eci,” nkabela wacicita.

⁸⁰ Obo muulo mbo wakabede ku Musalali Paulo; kayiisigwa kubweendelezi bwa Gamaliyeli, mwiyyi mupati maningi wa buzuba. Alimwi kuselemuka, a cintu nciconya eco neca kalanganya kuba buzumini bwiimpene, i zintu ezyo nzya kayeeya kuti zyakali zintu zibi loko zyakali kukonzya kucitika ku mbungano, ula boola nkoonya kubusena a kuba sicaabilo wa Nguwo. Ii cintu ceenzu! “Elyo obo Leza mbwa beleka mu nzila zigambya, mu nzila zigambya, nzila zigambya, zigambyo Zyakwe zya kucita.”

⁸¹ Cindi Leza naka caamba, Wa kalizi kuti Ijwi Lyakwe yakali mbuto; alimwi inga yazyala musyobo wayo. Lino, ya kalailwa

kuzyala biyo musyobo wa njiyo, alimwi lyoonse iyocita ceco kuti na munt tai nyonganyi.

⁸² Elyo mbubonya Mbungano ya Leza mboinga a zintuzyonse zimbi, kuzyala musyobo mbuli mbo kwakabede kumatalikilo, ikuti basilwiiyo lwabukombi niba taka kunyonganya Ijwi eelyo, kusola ku Li bikka abusena bumwi bumbi, na cintucimwi cimbi. Leza waka Lya amba. Alimwi takukwe makani kunji mbo bakonzya, basola ku Li sofwaazya aku Li nyonganya, azimwi zimbi, Liya kuleta musyobo wa Ndlyo. Taakwe cintu ciya ku Li lesya.

⁸³ Nda syoma Nse mvwisyi mbuli kuti Ndi kwiila kuli ndinywe nyoonse. [Mukwesu Branham wabambabamba maikkrofooni—Mul.] Sa eco cimvugwa maningi? [Mbunga yaamba, “Peepe.”]

⁸⁴ Elyo, mwabona, lino tu jana zintuzyonse mu ncililano. Leza waka caamba, elyo Wa kat, “A kube, a cube. Elyo a cube Edeni. A cube malubaluba mabotu. Akube mwana Wangu, mu cinkozya Cangu Cini, kwiima okuya mu muunda wa Edeni, a kulekela nabwiinga wakwe kwiima munsi lyakwe.” Oh, obo mbo cakali cibotu, obo mbo cakabede. Elyo Taata, Wa kali Taata, nywebo mwabona, aboobo kwakasika bana Bakwe Beni kabayutuka. Elyo Wa kababambilila paradaiso. Leza ulayanda kucitila bana Bakwe zintu.

⁸⁵ Muta yeeyi nzila, nywebo no bamatumbu, a nzila mbo kutakwe makani; ikuti na mali amwi a tafule, ikuti na Junior wakali kuyandikana mabbusu mabotu ayo ngakali kuyanda, inga wa-wa cicita, mwabona. Kufumbwa mbo cakabede, kucita cintucimwi ca bana banu! Bataata, obo mbo konzya kubeleka canguzu aniini, kujana cintucimwi ca bana. Mwabona?

⁸⁶ Ee, eco citondezya buyo kuti tuli kulaale anselelo *awa*, muzyali. Walo muzyali sikwiindilizya, mwabona, a kunji kumbi! Ta cigambyi muapostolo ncakati, “Liso tali bwene, na kutwi takuna mvwide, naanka kuti cakanjila mu moyo wa muntu, eco Leza nca jisi kuli mbabo, mu ciyobwedo, abo ba Mu yanda.” Ta tukonzyi buyo kujata mu mizeeo yesu, swebo, mizeeo yesu taili ya kuyeeya kabotu i nzila iluleme—iluleme eyo Leza nja kayobwede, muli ndiswe notu Mu yanda. Mwabona, swebo, inga Nda yeeyela obo mbo ciya kuba, inga Nda yeeyela mbo ciya kuba, pele Ndi—Ndi . . . muzeeo wangu tau-tau—taukwe kuyeeya obo mbwali mulemu. Kula indilila kuli ceeco. Sa inga mwayeeyela Julu mbo liyooba cindi toonse twa nooli kokuya, a bakabusyi, nkabela taakwe cibi? Elyo peepe . . . Oh, ino mbusena bubotu! Pele, mwabona, kula indilila kuli ceeco. Mwabona, swebo, “ta cikonzyi akwalo kunjila moyo wa muntu, eco Leza nca jisi kuli mbabo, mu ciyobwedo.” Wa ka caamba, alimwi ciyooba boobo.

⁸⁷ Lino kumane kubambwa oku koonse kubotu Nkwa kajisi okuya, kwa Kwakwe . . . Nsya ambi ku caamba mu bbala

eelyo, kubambwa, pele musyobo wa mbuli i...Sa mutumbu, kakutaninga kuboola mwana, sa tiiba kaita eco kuti mbali ya zisani zya muvwanda mupya? Bala bweza i...toonse tubbusu tuniini a zintuzyonse kazibambidwe, nywebo mulizi, buyo ku kusika kwa cibeeela eci ciniini ca luyandisyo eco Leza nca katuma, kujana ceeco.

⁸⁸ Nce ncico Leza nca kacitila Adamu a Eva. Wa kalenga muunda oyu wa Edeni. Wa ka caamba, cakali mu mizeeo Yakwe; elyo cindi Na caamba, mpawo ceelede kucitika.

⁸⁹ Amubikke eco mu mizeeo yanu eno. Eco Nca amba, ceelede kucitika! Mwabona, alimwi Ta konzyi...Taakwe cintu cikonzya—cikonzya ku cisinkila, taakwe cintu cikonzya kucikasya kucitika. Taakwe cintu cikonzya kucikasya kucitika. Leza wakaamba booboo, eco cacibamba! Leza waka caamba, ciyo citika.

⁹⁰ Lino Wa kajisi koonse oku mu mizeeo, elyo Wa kati, “A kube.” Lino, ayo Matalikilo 1, mwabona, “A kube ceece. A kube ceece. A cube eco.” Wa kali kumiza mbuto. “Acibe awa. Acibe awa. Acibe awa.” Elyo Wa kalizi kuti ciyooba mu nzila eyo, nkaambo tacikonzyi kucinca.

⁹¹ Lino eco citupa lusyomo, mpawo. Elyo eco Nca kaamba *Awa*, calo ciyooba. Aboobo atu lekele Lunyungu olo luwide mu myoyo yesu, kutegwa tube masena aa kuzyalila Ceeco, mwabona, mu myoyo yesu. Elyo atu lilemeke busena obu Mbwa katu bikka mukati, mu mazuba aakumamanino. Mwabona, “Lekela Mbuto iwide mu myoyo yesu, Mwami. Lekela Ijwi Lyako liwide mu moyo wangu.” Kutabi kutasyoma kumwi!

⁹² Mbuli Abrahamu, cindi na kali mudaala, kaboneka mbuli kutakonzeka. “Mbobuti mbo bayo cita eco? Mbobuti mbwa yooba mu nzila eyi?” Ta kalanganya eco. Wa katambula buyo Ijwi lya Leza, a kuzumanana ku Li syoma, nkabela Leza waka Li leta kucitika. Lino, Leza wa kaambide zintu ezi zyoonse, aboobo wa kalizi kuti ciyooba. Elyo caka cita, Wa kazyala musyobo waco.

⁹³ Lino kuti Wa kasandulwa mpawo, lunyungu loonse mu cilenge cipona a bulenge obo mbo cakeelede kuba, caka boola buyo mbuli Mbwa kaamba kuti ciyooba. Na, Wa kati, “A cibe.” Ndiza myaanda a myaanda ya myaka yakainda, pele mpaawa tu cijana kuba Edeni mbotu, a bayuni bapati kabauluka. Balo bayuni tiiba keelede kufwa. Elyo umpe a kabelele bakali kulya antoomwe, a mulavu, siluwe a musune. Elyo kwakanyina kujaya, kwiina lufu, kwiina kuusa. Elyo kwakali Adamu a Eva, kabeenda mu muunda wa Edeni. Aimwi mbuto kaizyala, tii yaka konzya kucita cintu cimbi. Tii cakali kukonzya kucita cintu cimbi, nkaambo Leza wakati, “Aibe munzila eyo.” Ya keelede kuba munzila eyo.

⁹⁴ Oh, obo Mbwe yanda kwiimikila awa aniini buyo, kwaamba, mwabona, mpaawo mpo tu langanya, nekubaboobo, kulimvwa kwa Ijwi eelyo.

⁹⁵ Lino Leza wakati, "A kube." Elyo mpaawa ca kaboola, lutaanzi, cakulondoka, mbubonya buyo. Lino, musamu *oyu* ukonzya biyo kuzyala musamu oyo. *Oyu* musamu ukonzya biyo kuzyala musamu oyu. Elyo Adamu, mwana wa Leza, ukonzya buyo kuzyala mwana wa Leza. Mwabona, sa mwacimvwa eco Nce pandulula? Ncintu coonse mbuli musyobo waco, elyo aboobo Leza inga wati, "Ee, Ndiyo lyookezya lino."

⁹⁶ Elyo sena mwakabona, akali majwi masyoonto loko ayo Leza nga kasola kwaamba, mubwini, kuzwa ciindi eco kuyabuya? Wa kaituula, kumane kuwa, ku basinsimi Bakwe, nkabela baka leta Ijwi lino, nywebo mwabona. Leza waka lyookezya, Ta kacili kuyanda kucita. Ba unka buyo ku hedikkota Yakwe a kukonkomona aa mulyango, a kwaamba, "Taata, ino ncinzi?" Elyo Ula tuma Ijwi kwiinda kuli mbabo. Mwabona, Uli jisi ciyanza, a nzila ya kucita zintu ezyo.

⁹⁷ "A cibe buyo..." Elyo nje nzila mbo cakabede, zintu zyoonse, zya mbuto yayo kazizyala musyobo wazyo. Lino cindi zintuzyonse nizya kalibonya kabotu loko, a zintuzyonse kaziboola kucitika buyo kuli ceeco Leza nca kaamba, lino mpaawa kwaboola silweeno oyo, watombe.

⁹⁸ Lino nce ncico Nce sola ku mucenjezya nyoonse okuno. Cindi wabona Mbuto ya Leza kiitalika kujatilila, ku kukomena, amulangilile mulombwana oyo kanjila cabusongo mbuli mbwa konzya kuba, kubalulula Lugwalo buyo kuli oyo unga taa lutambula, mwabona. Amu mulangilile, nkaambo ngu silweeno.

⁹⁹ Ndiyo ciita, mibusena bwa ii-ii sikukozyanya, mu kozyanisigwa, ngu sikulemanya, kulemanya zintu zya kozyanisigwa. Ngu sikulemanya, alimwi, walo, sikulemanya, na sikupilinganya, na sikunyonganya, na wa Mbuto ntaanzi a bubambe butaanzi.

¹⁰⁰ Lino nywebo mwabona awa, mbuli mu nkamu yanu okuno cifumo cino, muli jisi bubambe, muli jisi cilengaano. Lino amulangilile oyo sikunyonganya, oh, uyooba sikuyubulila a mucenjezu mbuli mbwa konzya kuba, nywebo mwabona. Pele bamba cilengaano cako, mulombe. Mwabona, ko zumanana kujatilila kuli ceeco.

¹⁰¹ Lino akwalo tu jana kuti, cindi na kanjila, wa kalemanya mbuto eyo. Elyo wa kabisya mbuto eyo kwiinda mu kunjila mu bulongo bwa kuzyalila, oyo wakali Eva, a kubisya mbuto eyo, a mbuto iifwika, kaitana konzya kusika okuya, ku kubisya oyo muunda muboto wa Edeni.

¹⁰² Oko—oko, Julu, cintu cilikke eco ciliko, nku boozeyza buyo. Awo mpo tubede lino, tuli mu lweendo Iwesu kujokela ku matalikilo ayo mataanzi aa bulenge bwa Leza, kujokela ku

muunda wa Edeni alubo; mulumi a mukaintu, kakutakwe—kakutakwe cibi cili coonse na kufumbwa cintu, kupona Cabutamani. Pele i—i kusa...i...

¹⁰³ Lino, lino Walo uyanda kuti tusandula mizeezo yesu, kwiinda ku kucitululwa; na kusandulwa, kuba kusandulwa kwa kucitululwa kwa mizeezo yesu—yesu.

¹⁰⁴ Lino Saatani waboola mukati a kubikka mu kulemanya ku Ijwi, ku Li bamba kwaamba cintucimwi eco Nco li tali mbubo. Lino nce ncico nca kacita ku matalikilo. Elyo lino amubone, eci ciyo mvwika bweenzu loko cifumo cino, ku—ku bantu, ikuti na Nse lindili a kuyaamika muzeezo munji loko awa Nke tana kusika ku tuyeeeyo wangu walyoonse oyo Ngwe kali kuyanda ku—ku sika kuli ndinywe. Sa oyu, oyo, sikulemanya waka njila; alimwi mbuli Leza mbwa kabweza myaka ili zyuulu zili cisambomwe ku Ijwi litaanzi, ku kuzyala ijwi lyoonse lya musyobo walyo, a zintuzyonse Nzya kabamba ziyooba Ijwi lya Leza Mwini kalileta musyobo walyo, lino sikulemanya wakatola myaka ili zyuulu zili cisambomwe, a kulemanya eelyo Ijwi lya Leza. Elyo ncinzi nca kacita? Wa kalileta mwini ku musyobo mupya wa Edeni, Edeni ya Saatani. Awo mpo tuponena sunu.

¹⁰⁵ Mbobuti mbwa kacita ceeco? Mbobuti mbo cikonzya kucitika? Lino cibeela ciboteleyza obo mbwa kacicita. Elyo oko nko tweede kucita, eco Nceli waano, ku bikka eci ansi kumbele lyanu, kutegwa mukonzye ku cibala lino, a bakwesu awa, abamwi bambi, mu mvwiki iciza, kuti mukonzye kubona obo Saatani mbwa kacita ceeci. Elyo amulangilile mbwali mupyungi, anzila mbwali mumpelenge.

¹⁰⁶ Lino, wa kalemanya imbuto ezi. Lino, ta kakonzya kuzi nyonyoona, wa kazi lemanya. Lino tula mvwisya kuti cibi mbululami bwa kapindamunwa. Bwalo mbubeji obo mbwini bwatapandululwa kabotu. Mwabona, kufumbwa cintu. I bumambi mucito uululeme, oyo Leza ngwa kasala, waka njila buyo mu nzila iilubide. Mwabona, kufumbwa cintu. Elyo lufu ndusandulo lwa buumi. Lufu lubweza buyo, mwabona, bulemania buumi.

¹⁰⁷ Lino wa kajisi myaka ili zyuulu zili cisambomwe ya kucicita a musamu wakwe uujaya. Elyo mbobuti mbwa kacicita? Lino eci ncibeela ciboteleyza. Elyo amuswiilile kabotu lino. Wa kacicita ku lusumpuko. Lino eco cilimvwisya bweenzu, pele eco ncencico. Ndiyo bamba kaambo awa kayo mubamba kuyeyela, ndiza, kwa maminiti masyoonto; Nse langili. Pele sena mwa cimvwisya eci? Lino Nse soli kwiaminina kubula luzibo. Pele sena mwakalizi kuti lusumpuko, sayaansi, Iwiiyo, a zintu nzo tubotelwa kapati sunu, ncibelesyo nciconya ca Saatani, alwalo lusumpuko? Lusumpuko tiilwa kaboola kwiinda kuli Leza. Lusumpuko lwakaboola kwiinda kuli Saatani. Lino Ndiyo

tondezya eco kuli ndinywe kwiinda ku Ijwi, mu maminiti buyo masyoonto.

¹⁰⁸ Lusumpuko taluli lwa Leza. Nkambo, andi mutondezye; mu lusumpuko olu, mbo twiindila kusumpuka mbuli mbo tubeleka kwiinda mu sayaansi, tuli mukuli jaya lyoonse. Mwabona? Alimwi olu lusumpuko lwayakwe kusika atala lyawo eno, alimwi tu jisi lufu mu lusumpuko olu. Tuli jisi cibi mu lusumpuko olu. Tuli jisi malwazi mu lusumpuko olu. Eco tacikonzyi kuba ca Leza.

¹⁰⁹ Aboobo, Leza, mu Milwani-...Bwami Bwakwe, bupati Mwini obo bweelede kuboola, tu yooba a lusumpuko, pele tacikabi cili conse mbuli ceeci. Ta cikabi kwinda ku sayaansi. Lu yooba lusumpuko lwa lusyomo, kwiinda ku Ijwi. Mwabona?

¹¹⁰ Olu lusumpuko lwasayansi ndo tujisi, luli mbubonya kooze ka Saatani, alimwi ako nke kaambo nca kajaya bantu. Nce ncico nca tujaya, buzuba abumwi, a. Eyo nje nzila, mbuli mbo tulya, buzuba abumwi; mucibaka ca kupona, tula fwa. Ba kapilinganya zintu maningi zyoonse, akwalo kubweza buyo kunji loko kwa eci a kucisanganya a eci, a kutintanya eci a eco, eco, kuti, mane cili mukufwa. Walo mukowa uli mukufwa. Alimwi takukwe makani eco ncosola kucita, ula fwa.

¹¹¹ Mwa kacibona cifwanikiso eco masiku ainda, ca baabo bana Africa. Nywebo mulizi kaambo? Tiiba kajisi peninsilini. Balo bantu balapona ciindi cilamfu kwiinda mbo tucita. Ta bazi akwalo kuti ba...Tuzunda tatu bapenzyi. Mwabona, baa, kazunda inga ka waala janza lyakwe a kulipa kuli mbabo. Mwabona? Nkaambo walo, mwabona, ta citi, wa...Taba citi. Nkaambonzi? Boonse tii bakali...Mwabona, tuyo bweza, sayaansi kumvwisya, mbuli penisilini na cintucimwi ciyo bikka muli ndiswe, ku-ku gusya bulwazi obu, nkabela cila mwayaula cintucimwi cimbi, a kubamba busena bwa kuzyalila cintucimwi cimbi. Mwabona? Lino, ta citi ceeco. Mwabona?

¹¹² Lino kufumbwa, bunji bwanu no bantu muzwa ku mpulazi. Kufumbwa muntu ulizi kuti cisyang'o canseba mbotu taciyandi kufwafwazwa. ka-ka jisi citanda ali nkako, ca buumi, ako kazunda taka kkali ali nkako, a kasamu keni-kalo keni kajisi nseba mbotu. Kalo aka nkasamu kakubambililwa nkaaka kasmu kakatintanisigwa nko yandi kubebeka!

¹¹³ Kupa mukozyanyo, nobamwi balombwana awa muli Bakumbo. Amulange kaindi mu ciindi ca ng'ombe yakaindi ya Longhorni. Sunu waamba kuti ujisi nzuki mbotu a yako—a yako Hereford. Sena wacita? To jisi. Eyo ng'ombe ya meja malamfu yakaindi, kutali kwiiminina musimbi wakaindi, pele waa kali kukonzya, waa kali kukonzya kuli kwaya m mapeyo abusena awa mbuli munyama deo. Oh, waa kali kotede azintu zyonse, pele wakali kobilo...

¹¹⁴ Oyu Herefordi, wakwela bwizu kunsi lyakwe, cindi wa bweza cifoto cakwe, kutala kuda lyakwe, kutandila, kutondezya kuti ngwa nyama ya kusambala. Alimwi ncinzi? Ula mwaangulula alya, inga wafwa. na takakonzya kuba mu mapeyo ikuti na wakali kweelede. We elede ku musanina, azintuzyonse zimbi, ku mubamba, ku mubebeba konse. Walo wakatintanisigwa. Mwabona? Pele Ng'ombe iini ya meja malamfu, ncobeni yakaindi, ko yaangulula buyo.

¹¹⁵ Eyo nje nzila sunu a Banakristo besu. Tu jisi banji loko mbo tweelede kusungilizya kapati, ya kabalombelela, kuba bikka, kuba bamba kuba daikona mu mbungano, ku muumauma aa kkuko, a kumubamba busena bumwi bupati mu mbungano. Na, ikuti na tociti, baa, walo, ta ka—ta kanjili, ikuti na tolekeli umwi *oyu* kucita *ceeci*, alimwi *oyu* ucita *ceeco*. Nku bebeka.

¹¹⁶ Sa inga mwayeeyla Banakristo beni mukuba boobo? Ba kali galankene. Ba kali bagalankene. Sa inga mwayeeyla Musalali Paulo mukuba musyobo oyo wa Munakristo, sa inga mwayeeyla Musalali Petro, “Mukuba lino—lino, ikuti na to ndibambi kuba mulinguzi waboonse, ee, Ta ndizi, inga Nda unka kuyo sangana *Niini-a-niini*”? Ba kali bantu bagalankene. Ba kali bantu ba lusyomo. Ba kapona a Leza. Ba keenda a Leza. Ba kali bantu ba majwi masyoonto. Ba kabelekela Leza, isikati a masiku, cakuzumanana. To keelede kuba fwafwaza a kuba bebeka, akuba tuula *eci*, *eco*, na *cimbi*. Ba kali muntu, bagalankene! Ba kali mbuto zyakasimpe, tiiba katintanisigwa mu tubungwe.

¹¹⁷ “Ikuti nywebo, bana Methodisti teemwa ndilanganyi kabotu, Njo unka kuli bana Baptisti. Iba Baptisti teeба ndilanganyi kabotu, Ndiyo unka kuli ba Pentekoste. Ikuti na taba ndilanganya kabotu, Ndiyo jokela kuli ba Katolika, na kufumbwa bambi.” Mwabona, balo, walo wakatintanisigwa, kweelede kubalekela kufafazwa, “Iiyi, Mwiiyi Mufundisi Mukwesu *Niini-a-niini*.” Obo tabuli Bunakristo.

¹¹⁸ Bunakristo bulombi—bulombi mabande, tabu lombi zyoolwe. Bu zyi buyo Leza. Ni mbuto ntaanzi. Ila muyanda Leza, a ku yandana. Kwiina ku zifwafwaza, aku zibebeka,akuzyu mauama konse, akuti, “Iiyi, ee, mucizi *oyu*, ee, Nda syoma cili kabotu kuli nguwe kuba a masusu mafwaafwi, alimwi *oyu* umwi pe.” Elyo—elyo kwiina zintu zili boobo mbuli ezyo, a kubalekela kuta subulwa kuli *ceeci*. Cili—cili galankene, alo Makanimabotu! Amu cibikke alya, aciwe awo mpo ciyocita. Banakristo bala ciyanda.

Sa Nde elede kubwezwa kuya ku Muunzi
Kujulu,
Aa nzila isakatidwe yabuteteete,
Kakuli bamwi baka Iwanina kujana cilumbo
A kwiinda mu maziba malowa manji?

¹¹⁹ Sa Nde elede kuumwaumwa kusule, a *ceeci*, *eco*, a *cimbi*, a kubebekwa? Ndi langila busena bwangu kulaale a bagalankene. Nse langili kuboola okuya kakutakwe mbata zya cilumbo pe.

Nde elede kulwana, ikuti na Nde elede kulela,
Yungizya camba cangu, Mwami!

¹²⁰ Mwabona, andi ime mbuli Munakristo. Kutali kuba ii—ii cisyang cakatintanisigwa. Kweelede kubebekwa a kubuwigwa, a kuletwa mu cintucimwi. To njidwe nekuba, Bunakristo, wa kazyalwa muli mbubo. Wa kaba cilenge cipyä, uli lunyungu lwa Leza, olo luboola mu nyika.

¹²¹ Lino, lino tu jana kuti wa kafwafwaza musamu oyu ukola, alimwi oyo kusansailwa wakali kufwafwaza wa kumvwisya kwasunu, lwiiyo, sayaansi, a lusumpuko, zintu nzyoonya nzo tubotelwa loko. Sena mwakasola kwima kuyeyya kuti sinkondo wesu mupati, mu buumi bwakunyama sunu akati ka masi, ngu kkomunizimu? Ino kaleza ka kkomunizimu ninzi? Lusumpuko, a lwiiyo, sayansi. Mbo mbubo, embo na? Eco ncoba ponena aku kakatilila kupona, ngu sayaansi, zyasayaansi, masayaansi, kaleza ka sayaansi. Lino ikuti na mwakonzya buyo...a ku fwafwaza kwa lusumpuko olu lwasunu, sayaansi a lwiiyo.

¹²² Lino andi mutondezye olo lwiiyo a lusumpuko kuzwa kuli dyabulosi. Lino atu vunune kusule awa a kubona, ikuti na mula yanda, mu Matalikilo, cipati ca 4. Yaa, lino atu talikile a kampango ka 16 ika Matalikilo 4. Footini awa na...Matalikilo 4, mundi jatile. Lino amubone, Saatani...

¹²³ Nywebo nobantu, amutobele mateepu aya, a mukwesu wesu—wesu okuno, lino, mwaka ndimywa ku kambauka aa *Lunyungu lwa Nzoka*, nkabela eco tacikonzyi kukakwa. Eco caka julwa muli cimwi ca Zinamatizyo ezyo zili Ciloba. Ca kali sisidwe.

¹²⁴ Lino ikuti na bana baboola kunsi lya musyobo oyo, mwabona, kunsi lya musyobo oyo wa lwiiyo, obo bazyali babo mboba kabede, bali jisi bupange bwa bazyali babo, tubungwe twabo, azimwi zimbi, beeledé kusyoma ceeco. Mwabona, bala syoma obo nkaambo bazyalwa kunsi lya muzyali oyo. Pele sunu ta tu zyalwi kunsi lya muzyali oyo; Muzyali wesu ndi Ijwi. Elyo Ijwi... “Ee,” kwaamba, “Nda kazyalilwa kunsi lya Leza, ambebo.” Ku bukkalo obo. Pele obu mbukkalo bupati loko, obu mbukkalo kwiindilila tubungwe oto.

¹²⁵ Kwa keelede kuyutuka, kweelede kuyutuka; Leza waka cisala boobo, kuti kweelede kuyutuka, zyalo Zinamatizyo zili Ciloba zyeelede kujulwa. Ca keelede kicutwa mu bukkalo obu bwa Laodikeya. Elyo Ndi yeeya kuti, kwiindilila cimvule cili coonse ca kuzumbaunya...Kutali mbuli mbo tuli dundaizya; ta tujisi kuli dundaizya, cita ali Jesu Kristo; taakwe wesu. Tuli dundaizya biyo ali Jesu Kristo. Pele tuli lumbide ku i...ku coolwe ca kuziba kuli cimwi...kwiindilila cimvule cimwi ca

kuzumbauzya, Leza waka tusala mu mazuba aya akumamanino, alimwi waka citondezya kwiinda ku zitondezyo mu Majulu a mu nyika; alimwi umwi aumwi wabo kaboola nkoonya kugama kujoka ku Ijwi, kutondezya kuti cili boobo, bukkalo obu mbo tuponamo, Mulumbe a nzila mbo Ubede. Ta tuli basinguuzu. Ta tuli nkamu ya basikiindilizya. Tuli balanda ba Leza, abo bakaitwa aa Muuya Uusalala. Uyo oba a misyobo yoonse ya mazina aakabikwa kuli ndinywe, pele eco ta caambi kuti cili boobo.

¹²⁶ Lino amuyeeye, mwana wa Saatani wakali Kaini. Lino Ndi yeeya kuti nyoonse mwaka kainda mu mateepu oonse, ayo, Nda bona malaibrari anu okuno, aa ngawo. Lino amuyeeye kuti Eva wakamita kwiinda kuli Saatani, alimwi mu buzuba mbubonya... Tu jisi kaambo ka ncico mu Tucson lino, kuti mwanakazi, ikuti na waa ba... ula pona a baalumi bobilo, ula konzya kuba a misyobo yobilo yandeene ya bana. Tu lizi obo. Nda kalizi mu kutintanya babwa a zintu, azimwi zimbi, ikuti na cili mpoomya awo.

¹²⁷ Aboobo Saatani, cifumo eco antela, wakaswaana umwi oyu mubi, oyo wakali nzoka; kutali mu reputailo, pele munyama; mupyungi loko, mupyungi, musongo, wa boonse banyama, kunsi buyo lya muntu. Elyo muntu munyama, lwakwe, alimwi tuli—tuli ba mamabalo, banyama basitikizya kukasaala kwamibili yabo.

¹²⁸ Elyo—elyo Saatani wakali ciswaanyo citabela awa, eyi nzoka, cakali cintu citabela ku muntu, kuzwa kuli chimpanzii, kwiima akati ka muntu a—a chimpanzii. Lino sayaansi iyandaula eco ciswaanya citao. Elyo cili sisidwe loko kwiinda ku kumutola ansi, alimwi akwalo taakwe cifuwa muli nguwe ciboneka mbuli muntu, mwabona, ku mubamba reputailo.

¹²⁹ Lino, tula jana lino, kuti oyu mulombwana wakajana Eva mu muunda wa Edeni, oyu mwanakazi mukubusyi watakazi cibi, takazi obo cinswe cakwe mbo cakabede. Elyo wa kalizi. Wa kali simaanu, mucenjezu, musongo. Elyo wa kamwaambila, “I lunyungu, i—i mucelo wakali kuboteleyza alimwi wakali kuyandika,” alimwi... cindi nakapona a nguwe cifumo eco.

¹³⁰ Elyo mpawo, mwabona, mpawo, masikati, waa kasungilizya Adamu kucita cintu nciconya, ku mwaambila mbo cakabede.

¹³¹ Elyo mpawo Adamu acaali, mukuziba kuti ta keelede kucicita, wakeenda a mukaintu wakwe a kucita mucito oyu. Kwalo, kumalekelo na kaboola kuli ncico nekuba. Pele, mwabona, ca keelede kuba munzila eyo, busongo bwa Leza, nkaambo eci mpawo, kuti, citondezya bube Bwakwe kuba Mufutuli, Taata, Musilisi. Mwa kandimvwa kukambauka ali ceeco, mwabona. Lino ikuti na eco tii caka citwa...

¹³² Wa kabalekela buyo kumasena okuya mu ciimo cakulisalila cakucita, kabalekela kucita. Ta kakonzya kubabamba kucicita, elyo mpawo kacili luleme. Pele Wa kali kukonzya kubabikka

kweelana a Nguwe, a ciimo cakulisalila kulilemeka, elyo mpawo kubalekela kucicita lwabo. Elyo Wa kalizi kuti bayo cicita.

¹³³ Elyo aboobo mpawo, nywebo mwabona, mpawo cindi Adamu nakapona awe, waa kazyala mayanga. Elyo umwi wabo wakali wa Saatani; alimwi umwi wabo wakali wa Adamu, oyo wakali wa Leza. Kaini a Abela.

¹³⁴ Elyo eco cila citika. Tuli jisi kaambo omuya mu Tucson lino. I—i mwanakazi mukuwa wakapona a mulumi wakwe cifumo cimwi, nkabela masikati ayo waa kapona a Uusiya. Elyo umwi wa balombe baniini... Kwakali balombe bobilo baniini baka zyalwa. Umwi wabo wakali Uusiya muniini wa masusu asalaluka kumutwe, alimwi umwi umbi ngu ii—ii mwana wa masusu atubuluka kumutwe, mubotu loko. Elyo—elyo, amuyeeye lino, uli mukusola kubamba taata mukuwa kumamela bana bobilo. Elyo wa kati, “Ndiyo mamela wangu wini, pele kutali wakwe. Lekela muntu Uusiya amamela mwana wakwe wini.” Aboobo, nywebo mwabona, bwalo mbwini.

¹³⁵ Kuli mayanga lyoonse. Elyo nke kaambo... Muta lubi eci, okatanga kaniini. I mbungano mu mazuba akumamanino iyooba mayanga, “kutandila loko kuti iyo cenga Basale...” Matayo 24:24, mwabona. I mbungano iyo... Walo mulimo wa Pentekoste. Cili loko mbuli cintu cini, kusikila ciyo “cenga mbabonya Basale ikuti na cakali kukonzeka.” Elyo kwiinde kaindi kaniini, ikuti na Nda jana coolwe, Ndi yanda kupandulula cintu, nzila oko kusala mbo kuboola. Mwabona, ciyo bacenga nkaambo citandila kuba mbuli cintu nciconya. Mwabona, bamawisi bobilo buyo, kwa mana; mutumbu nguonya, mbungano njionya, cintu nciconya, cintu nciconya. I busena bwakuzyalila buli kozyenye, awo Ijwi mpolya wida; pele bumwi bwabo, mbuli awa, bwakasandulwa. Mula mvwisya na? Amwaambe, “Ameni,” ikuti na mula cita. [Mbunga yaamba, “Ameni.”—Mul.] Mwabona, umwi wabo ndusandulo, nkaambo ngu taata utali nguwo. Kwalo, Ndiyo tondezya buzubabumwi, ikuti na Leza uyo ndilekela, kabungwe ako ncaando ca munyama. Mwabona, ngu taata utali nguwo, balo mbantu babusya kabunga mu busena bwa Ijwi. Mwabona, ngu taata uutali nguwo. Mulimo wa Kaini.

¹³⁶ Cindi Nda unka ku muunzi ciindi eci, Ndiyo kambauka aa ciiyo, *I Mukondo Wa Nzoka*; munyama ku matalikilo, a munyama ku mamanino; a kumu tobezya moonya mu Bbaibbele, a kutondezya obo mbwa kalungumana. Mwabona? Elyo nyoonse mwaba boobo ku telefoon, nywebo mwabona, ikuti na Mwami watu zumizya kucicita. Elyo lino amulangilile buyo obo mulombwana oyo mbwali mupyungi, obo mbwali mbubonya buyo... Ee, bali buyo mbuli Judasi a Jesu okuya, bobilo bakwesu mu mukowa wabo, mbuli buyo Esau a Jakobo. Elyo—elyo mbuli i—i cikwaangala a nziba, kabakkede mu citeente comwe. Alimwi

zintuzyonse zili mu mayanga, muli—muli zya kulwana nkondo eyi mpati motu bede.

¹³⁷ I sinkondo ubelesya lweeno, mbuli mbwa kacita kuli Eva, “Oh, Leza waamba? Masimpe, pele—pele ncobeni...” Mwabona?

¹³⁸ Mwabona, kusola kucibuzyabuzya kwiindilila eco Leza nca kaamba lutaanzi, “Muyo fwa!”

¹³⁹ Wa kati, “Iiyi, Leza wakaamba booboo, pele ncobeni...” Mwabona oyo kufwafwaza kuli nguwo? Mwabona? Pele eco Leza ncaamba, Leza ulabamba, Ta yandikani lugwasyo luli loonse kuzwa kuli Saatani. Ula Lu bamba. Aboobo, muta cengwi kuli ceeco. Lino tula bona, mpawo, kuti cakazyala musyobo waco.

¹⁴⁰ Lino mu Matalikilo awa, tu jana kuti, kumane kufwafwaza musamu oyu uujaya wa luzibo, lino, sayansi ngo luzibo, a koonse nko tumvwa ngu: “Sayaansi, sayaansi, sayaansi, sayaansi.” I ciiyo cipati mu cikolo: Sayaansi! Sunu, myootokala mibotu, cibotu eci, a muunzi mbotu, ng’anda mbotu, cibotu eci, a cibotu eco. Ino tu citanzi? Kufwa, ciindi coonse. Kalenga mootokala, twa kaleka kweenda; leka kweenda, tuyu kuba mbuli mafuta. Ee, ta tujisi muntu limbi; tu jisi jelifishi. Mbo mbubo.

¹⁴¹ Elyo mwanakazi, koonse nkvacita, nku waala zisani, elyo mpawo [Mukwesu Branham waguma cintucimwi—Mul.] tyanka bbatani, nceeco we. Cindi, banyoko bakali kunga beenda ku kasensa, a kuteka maanzi, a kutenda nkuni, a kujika mu nketulo ku busena bumwi, a—a kubamba zisani zyakwe mbuli booboo. Elyo tuli kompeme loko, ikuti na bacicita, inga catujaya. Pele, ta tukonzyi kucicinca, obu mbukkalo mbo tuponamo.

¹⁴² Noiba sayaansi yaamba lino, kuti, “Basimbi baniini bali mukunjila mu kuleka kuya kumweezi, banakazi bakubusyi akati ka myaka ili makumi obilo a makumi obilo ayosanwe yakukomena.” Nda baswaana moonya mu mundando. “Abo baalumi bakubusyi balainda mu myaka yabo yakukomena yaakatikati, akati ka myaka ili makumi obilo ayosanwe yakukomena.” Baama bangu... Mukaintu wangu wakainda, kutandila makumi otatwe aosanwe kusika ku makumi one. Baama bakaindamo, kuzwa ku makumi one aosanwe kusika ku makumi osanwe. Mwabona obo bayabaala mu mazuba aya akumamanino. Nkaambo kanzi? Tu beleka kapati ali zya sayaansi.

¹⁴³ Myaka ili mwaanda a makumi osanwe yakainda, kweenda luzutu muntu nkwa kajisi kwakali kwiinda ku mbizi na kubelesya maulu. Elyo lino weenda kubelesya jeeti, kutandila ku muyeeyo. Mwabona, sayaansi ya cicita, nkabela eco nca dyabulosi. Lino yebo wat, “Mbo mbubo, Mukwesu Branham?” Iiyi, munene.

¹⁴⁴ Atu bweze Matalikilo lino, 4.

Elyo Kaini wakazwa ku busyu bwa Mwami, . . .

¹⁴⁵ Lino amulangilile cintu citaanzi nca kacita. (Ko ndaambila cindi wayeeya kuti tu jisi kunji awa, nkaambo Ndila ima buyo ali ceeci ali onse.) Mwabona, “Kaini wakazwa ku Busyu bwa Mwami.” Aawo wa kalubizya. Elyo mpaawo mpoya kulubizya, alimwi mpaawo Mpeyo lubizya, miniti ndilyonya tweenda kuzwa mu Busyu bwa Leza.

*. . . Kaini wa . . . kazwa ku busyu bwa Mwami, a
kukkala mu cisi ca Nodi, kujwe lya Edeni.*

¹⁴⁶ Amubone obo mbo cakali cabukombi, kaunka koonse ku lubazu lwa “Kujwe”, lubazu lwa Kujwe.

*Elyo Kaini wakaswaanana a mukaintu wakwe;
nkabela waa kamita, a kuzyala Enoki: nkabela Enoki
wakayaka munzi, (mwabona, lusumpuko), wa kayaka
munzi, a kwiiita zina lya munzi, mbuli zina lya mwana
wakwe, Enoki.*

*Elyo . . . Enoki wakazyalwa Iradi: a Iradi- . . . a ku- . . .
[Kabeela katakwe cintu aa teepu—Mul.]*

*. . . kali bwezela bamakaintu bobilo: zina lya umwi
wakali Ada, a zina lya umbi wakali Zilla.*

*Elyo Ada wakazyala Jabali: alimwi . . . i wisi wa baabo
wakali kukkala mu matente, alimwi wa baabo baka jisi
ng’ombe.*

*Elyo zina lya munyina wakali Jubali: (Nda yeeyela,
J-u-b-a-l-i.) wa kali wisi . . . mbuli kupanga mbuli ca
tuntimbwa a maogani. (Mwabona, ciimbo; sayaansi,
mwabona, kunjila.)*

*Elyo Zilla, . . . awalo waka zyala Tubuli-kaini,
sikulailila wa onse s-i-k-u-f-u-l-a wa mukuba a butale:
(mu majwi amwi, musyobo wa kubumba, ku cibikka
atoomwe), alimwi mucizi wa Tubal- . . . Tubalikaini
wakali Nama.*

*Elyo Lameki wakaambila bamakaintu bakwe, Ada
a Zilla cuti, Amumvwe jwilyangu; nobamakaintu
ba Lameki, amu swiilile ku kwaamba kwangu:
nkambo Nda kajaya muntu waka ndiyasa, a mwaalumi
mukubusyi ku kucisa kwangu.*

*Ikuti na Kaini uyo liya nkoto ziindi zili ciloba,
incobeni lameki makumi ali ciloba . . . zibeela zili ciloba,
na zyaci lobla.*

¹⁴⁷ Lino amubone, mbo baka zwida buyo ku Busyu bwa Mwami, ba katalika kuyaka miinzi, ba katalika kubamba zyakulizya; ba katalika mu sayaansi, kupanga mukuba a butale, a—a kulizya ziimbo, azimwi zimbi. Mwabona? Mwabona? Lino nkokuli nko cakazwida? Nguni wakayutuka? Kaini, lunyungu lwa nzoka.

Mwa cimvwisya na? Kaini wakazwa. Elyo, amubone, wa kazwa ku Busyu bwa Mwami, a kutalika kubeleka mu sayaansi.

¹⁴⁸ Lino amulange awo mpa cibeleka, mwabona: sayaansi, lwiyo, madolopo, zilengwa. Nzya dyabulosi. Nguni waka talika? I dyabulosi. Nguni walwa sunu? I dyabulosi. Mabbomba aatomiki a zintu, zya kutu nyonyoona. Tu pona muli ngawo. Twe elede kupona okuno. Tuli cilenge, twe elede kukkala awa. Pele lusumpuko lupati lwa Leza talu kabi a lumwi lwa ceeco muli ndulo. Mwabona? Elyo sayaansi ili mukubweza—ili mukubweza zintu zyakunyama a kuzisandula kucita zintu nzo catakali kuyanda kucita.

¹⁴⁹ Elyo aboobo mbukombi bwasayaansi! Ci tola Ijwi ly a Leza a kupanga kabunga ka mbungano kuzwa kuli ncico, mibusena bwa kucita zintu ezyo nzo ceelede kucita.

Ba lati, “I mazuba aa maleele akamana.”

I Bbaibbele lyakati, “Ngu mbobuca nguwenya, sunu, amuya myaaka.”

“Kwiina cintu cili booboo mbuli kuponesegwa kwa Buleza.”

¹⁵⁰ “Kamuya mu inyika yoonse, akuyo kambauka Makanimabotu ku bantu boonse. Ezi zitondezyo ziyo batobela abo basyoma: Mu Zina Lyangu bayo tanda madaimona; bayo amba mu myaambo mipya; ikuti baka bweze inzoka, na kunywa zintu zikola, tazi kabanyonganyi; Ikuti na babikka maanza abo aa balwazi, bayo pona.” Inzi? Mpawo, masi oonse, bantu boonse, zilenge zyoonse! “Amubone, Ndili a ndinywe, akwalo ku mamanino aa nyika, mamanino aa i—aa inyika *kosmosi*, cintu coonse, mamanino aa kumaninizya.” Walo nkiali ncobeni!

¹⁵¹ Elyo lino, mwabona, bala bweza sayaansi, a kwaamba, “Oh, ee, kufumbwa kuti twa bungana antoomwe a kusangana mbungano, elyo tuba *ceeci*, na membala mubotu uutonkomene. Tula bbadelela besu . . .”

¹⁵² Mwabona, ta—ta lyaambi kuti, “Oh, kwiina cintu cili booboo mbuli Leza.” Mwa kamvwa teepu yangu aa bakristo babeji mu mazuba aa mamanino. Mwabona, kutali Jesu mubeji (Saatani wakalizi kabotu kwiinda booboo, mwabona), pele mbakristo babeji. Kristo caamba “umwi uunanikidwe.” Elyo bali nanikidwe ncobeni, bananikidwe a (nzi?) Muuya Uusalala, kucita zitondezyo a zigambyo. Elyo bala cicitia.

¹⁵³ Pele, mwabona, cindi caboola ansi lino, tuli mu bukkalo bwamamanino, kutali kaindi mu bukkalo bwa Pentekoste okuya. Tuli awa mu bukkalo bwamamanino. Elyo bukkalo butaanzi bwakatalika a Ijwi, oyo wakali Kristo. Elyo bukkalo bwamamanino bweelede kumanizya a Ijwi, lili ngu Kristo. Elyo zintu ezi zimbi, ezi zikwa azimwi zimbi, mbuli Mbwe kapandulula, nziyumuzyo buyo zya Ijwi, kubelekela bukanze

bwawo kusikila Ya boola mu ciimo cizwide, mwabona, obo inseke ntaanzi mbo yakabede.

¹⁵⁴ Lino kampango ka 25.

Elyo Adamu waka swaanana a mukaintu wakwe alubo; nkabela waa kazyala mwana, a kwiita zina lyakwe kuti Seti: Nkambo Leza, wakati walo, wandisalila lunyungu lumbi mucibaka ca Abela, oyo Kaini ngwa kajaya.

Elyo kuli Seti... Elyo kuli Seti, kuli nguwe akwalo kwaka zyalwa mwana; elyo wa kaita zina lyakwe kuti Enosi: alimwi mpawo bantu baka talika kwiitila ku zina lya MWAMI.

¹⁵⁵ Amubone obo lunyungu lwa nzoka mbo lwakazwa kunjila mu sayaansi, lwiiyo, madolopo, a nyimbo, a zintu zipati, a lwiiyo, a sayaansi, azimwi zimbi.

¹⁵⁶ Pele lunyungu lwa mululami umwi, oyo wakali... Mwabona, Eva taka jisi lunyungu. Nywebo mulizi obo. I mwanakazi tajisi lunyungu, muzyazi. Ujisi iji, pele kutali lunyungu. Pele waa...ka musalila, lunyungu, mwabona, kasalwa kwiinda kuli Leza, waa kabweza lunyungu. Elyo Lunyungu lupati, mubwini, kuzwa ku mwanakazi, wakali oyo Leza ngwa kapa. Mwabona, Leza waka musalila lunyungu mibusena lwa oyo Kaini ndwa kajaya; kuti, sinkondo, lufu, lunyungu lwa nzoka lwakajaya lunyungu lwa Leza, mu lupilingano awo, nywebo mwabona. Leza wakasala, kwiinda mu mwanakazi, Lunyungu, uuli ngu Kristo, mwabona, kujosya lunyungu lutaanzi alubo. Mwa cibona? Elyo aboobo mwabona lupilingano lwakaleta lufu kwiinda mu lwiiyo a bupampu, a ceeco nco twiita sunu, sayaansi a bukombi, azimwi zimbi, caka leta lufu. Pele waa... ka musala, lunyungu, elyo mpawo muntu wakatalika kwiita aa Zina lya Mwami, a kutilika kujokela ku Ijwi alubo. Mwabona?

¹⁵⁷ Elyo amuyeeye, amutobebe lunyungu olo, mbuli mbo tuyo lutobezya mu mvwiki zisyoonto, aa nzoka eyi. Amu totebe olo, luleenda ncobeni kwiinda mu Lugwalo. Amu lulangilile. Misaansa yobilo ila komena antoomwe, mbuli mbo mwakamvwa Mulumbe wangu aa "musaansa." Ba kaboola antoomwe ncobeni, a kukozyanya loko cakuti inga catandila kucenga mbabonya basalidwe, ikuti kulakonzeka, mu mazuba akumamanino cindi nicaka boola ku mutwe. Ila zyala museke mbuli buyo whiiti, pele taili whiiti, mwabona, taili njijo. Calo ncikwa, nekuba.

¹⁵⁸ Lino, mwabona okuya: lusumpuko, lwiiyo... Ndi yeeya kuti Ndi jisi aambi Magwalo atandila ku kkumi, nywebo mwabona, aalemedwe aapepa awo, pele ta Ndi yeeyi kwiinda muli eco. Pele tula mvwisya kuli ceeci, kuti lwiiyo, sayaansi a lusumpuko, nzya dyabulosi. Mbo mbubo. Tacili ca Leza. Nca dyabulosi. Lino, Ta ndaambi kuti toelete kuba a ncico. Peepe, peepe nconzyo. Ii

kaindi kaniini kainda, Nda konzya, tuyo tondezya ceeco; kuti Leza . . .

¹⁵⁹ Mbuli buyo mbo musama zisani, nywebo no banakazi, swebo to baalumi. Tii twa keelede kusama zisani, ku matalikilo. Pele, mwabona, mukuba kuti tu pona mu bukkalo obu mbo tucita, twe elede kusama zisani, mwabona. Kuli salidwe kuli ndiswe kucita ceeco. Twe elede kuba sama. Pele ku matalikilo, tii twa keelede kucita, mwabona, nkaambo tii twa kacizi cibi. Pele lino tweelede kucita.

¹⁶⁰ Lino tweelede kuba a myootokala. Lino tweelede kuunka ku masena a kuswaya, azimwi zimbi, mu myootokala a sayaansi, azimwi zimbi, pele tacili ca Leza. Tacili ca Leza. Lwiiyo, pele bali . . .

¹⁶¹ Ciwa ca Leza ca lwiiyo, lusumpuko, sayaansi, ili mu ciimo cayo citaanzni, mwabona, ciinka kwiindilila ceeci nco tucita.

¹⁶² Lino amulange, bala bweza zintu zimwi a kubikka zintu zimwi antoomwe, nkabela cibamba kkemikko iyo nyonyoona. Lino ba siye mu masena abo aluleme, bali kabotu; kuba bikka antoomwe, boonse bali lubide. Mwabona? Mwabona, cileta lufu.

¹⁶³ Elyo cindi wasola kubweza Ijwi lya Leza a ku Li bikka mu bukombi bwa inyika eyi, uleta lufu kuli lwako. Bu jaya cilelwa. Mwabona eco Nce pandulula? Bu jaya muntu. Nywebo mwati, "Ee, lino langa, ula syoma muli Leza."

"Oh, lino, toeledge kusyoma *boobo*. Ikuti na yebo—yebo—yebo . . . mbungano yesu." Ndyoonya awao, eelyo ndi bbomba lijaya i—elyo lijaya cilelwa.

¹⁶⁴ We elede kulekela zintuzyonse kuwa ambali, a kubweza Ijwi buyo. Amukkale ncobeni a Ijwi eelyo. Uta zwi. Cindi Leza nakaamba *boobo*, obo mbombubo mbo cibede. Ta ndikwe makani olo lwiiyo nco lukonzya kutondezya.

¹⁶⁵ Mu mazuba akwa Nowa, bakali kukonzya kutondezya kuti kwakanyina maanzi kujulu okuya mu milengalenga. Pele Leza wakati kwakali kuseluka amwi, nkabela aka boola. Mbo mbubo.

¹⁶⁶ Ba laamba sunu, "Kwiina mulilo kutala kuya, wa kuwa." Pele amu ulangilile kauwa, buzuba bumwi. Uh-huh. "Mbobuti mbo tuyo cita *eci* a kucita *eco*?" Amulangilile Leza kacicita. Uyo cicita. Wa kati ciyo cicita.

¹⁶⁷ Elyo Lunyungu olo luyo jatilila ku busena bumwi. Bulemu kuli Leza! I cintu buyo Nca yandaula, sunu, mbusena bwa kuzyalila, kubusena bumwi obo Mbo bukonzya kubamba.

¹⁶⁸ Iyo talika mu muntuumwi, nkabela bayo Li sandulasandula, aku Li fwafwaza mbuli mbwa kacita Eva. Ca katalikila muli Eva, kuli nguwe kubusena a kuzyala bana ba Leza, kutali bana ba Saatani. Pele waa kali busena bwa kuzyalila, nkabela yakawida mu busena bulubide. M bubonya Ijwi liyo wida muli sikutasyoma, na sikudonaika, na sikudonaika. Ciyo bamba

membala wa mbungano kuzwa kuli mbabo, pele kutali mwana mulombe na musimbi iwa Leza. Wa baambila kulekela masusu abo kulampa; bayo kuseka mu busyu bwako. Wa baambila kucita *eci* na *eco*, na muntu kucicita, bayo kuseka mu busyu bwako. Tabali bana ba Leza. Mbusena bulubide bwa kuzyalila, nekubaboobo bajisi Mbuto. Mwabona bantu bananikidwe? Bali nanikidwe, iiyi, a Muuya Uusalala, kwaamba mu myaambo, a kucita zitondezyo a zigambyo; pele nca Saatani.

¹⁶⁹ Jesu wakati, “Banji bayooza kuli Ndime mu buzuba obo, a kwaamba, ‘Mwami, Mwami, sa tii Nda katanda badyabulosi, a—a kubeleka milimo mipati, yanguzu a zigambyo mu Zina Lyako?’” Wa kati, “Amuzwe kuli Ndime, nywebo noba mucita milandu.”

¹⁷⁰ Ino milandu niinzi? Davida wakati, “Ikuti na Nda cita milandu mu moyo wangu, Leza taka ndimvwi.” Mwabona?

¹⁷¹ Milandu ncintucimwi eco ncozi kuti weelete kucicita nkabela to kaciti. Uli cizi kabotu, pele toyandi kucicita. Yalo milandu, wabona. Nywebo mulizi kuti beelete kukkala a Ijwi lya Leza, pele ku kaambo ka mbungano, na kaambo ka muntuumwi umbi, na cintucimwi cimbi, moyo sweeka kuzwa ku Ijwi lya Leza a kucita eco kabunga nco kaamba. “Ee, Ta ndizi. Mbungano yangu yaamba kuti tweelede kucicita mu nzila *eyi*, alimwi Nda cisayoma mu nzila *eyi*.”

¹⁷² Mwabona, alimwi cili nkoonya kumbele lyanu kuti muta cicit. Eyo milandu. “Amuzwe kuli Ndime, nywebo nomucita milandu.”

¹⁷³ Amulange Musalali mupati Paulo, mu Bakorinto Bataanzi 13, wa kati, “Nekubakuti Nda amba a myaambo ya bantu a Baangelo . . .” Lino nywebo nomuyanda, na muntuumwi uyanda, kulala ali ceeco eco nce cizibyo ca Muuya Uusalala, Paulo wakati, “Nekubakuti Nda kanana mu myaambo mbuli bantu a Baangelo, nkabela nke tajisi luyandisyo” mbuli nyoonse mbo mujisi awa akati kanu, “Nseli cintu.” Mwabona?

¹⁷⁴ Ula konzya kukanana mu myaambo, iiyi, nkaambo Ndi Ijwi. Ii mukambausi inga wabweza Ijwi eli, a kuunka a ku Li kambauka, a kwaamba Ijwi eelyo, nkabela Ijwi eelyo liyo komena. Pele mukambausi inga kali sikuupaupa, lwakwe. Ndi Ijwi. Mwabona? Pele cilenge cini cipona ca Leza citola bukanze boonse, Ijwi. “Muntu taka poneni ku cinkwa cilikke, pele ku Ijwi lyoonse lizwa.” Elyo wayungizya cintucimwi cimbi a Ceeco, ujisi cisayango cakasandulwa.

¹⁷⁵ Ikuti na Nda kalisya whiiti awa, akubikka ii—ii nsoke antoomwe anjiyo, inga zya tintana antoomwe, ikuti na inga cacitwa boobo ku poleni, a kubikkwa omuya, Ndi jisi nsoke ya whiiti. Mwabona? Ci boneka mbuli whiiti, elyo nekubaboobo ni nsoke. Tabuli buumi bwakasimpe, tai konzyi kuli zyalulula ini. Mwabona? Ciyo yutuka, pele ta cikonzyi kuli zyalulula cini.

¹⁷⁶ Ii—ii—ii kambongolo inga katintanisiga ku mbizi mpwizi, nkabela kayo zyala kambongolo, pele ako kambongolo taka konzyi kuli zyalulula ku kambongolo. Kalo nkatintanisiga.

¹⁷⁷ “Akube kuti ijwi lyoonse lizyale musyobo walyo.” Mwabona, lila konzya kutintanya lomwe. Elyo mbungano inga yaboola mbuli kabunga, lomwe, pele taka konzyi kulitintanya lwako alimwi; kaleta kabunga kambi. Lutherani tai konzyi kutintanya ku bana Lutherani; ya kazyala bana Methodisti. Elyo Methodisti yakaleta Pentekoste. Mwabona, tai konzyi kulitintanya alimwi, nkaambo ili fwide. Ta ikonzyi katalika lubukulusyo. Nkokuli Leza nkwa kasola katalika lubukulusyo mu kabunga? Amulange makani anu aakale. Ta kacita. Nkabunga aka kapangwa kunze lya lubukulusyo.

¹⁷⁸ Cindi Luther, muntu wa Leza, wakayutuka a mulumbe wa kululamikwa, kusule lyakwe kwakasika mbungano ya Lutherani. Tiiba kakonzya kuyaka.

¹⁷⁹ Mpawo Leza wakatuma muntu wa zina lya John Wesley, mpaawo kwakasika lubukulusyo kunze lya ceeco. Ino inga bacita nzi? Kabunganisiga. Tii kakali kukonzya kulizyala keni alubo. Mwabona, kalo nkasundi.

¹⁸⁰ Aleluya! Pele Ijwi lya Leza liyo sola kukkalila! Mbo mbubo. Liyo zyala musyobo Walyo.

¹⁸¹ Mpaawa kwa kaboola wa Pentekoste ambali, ta konzyi; amulange eco nco cakacita, kabamba kabunga. Ta cikonzyi kulisonsa. Bala konzya kuba a Oral Roberts a zintuzyonse zimbi, moonse mu cisi, ta cikonzyi kucicita. Iyo jatilila ncobeni kujoka ku musyobo oyo wakaindi wabulenge ku kambongolo. Ta ukakonzyi! Takukwe makani kuvula kwa kuyaswa nko kajisi, ka *cili*, kuvula kwa nkwela aakumuuya ngo ijisi, a kufumbwa nco kajisi, cili (Nywebo, lino muli batapi, mulizi eco Nce kanana.) takukwe makani kuvula kwa baalumi a bamakaintu mboi jisi, a zimwi zimbi, akuvula kwa bacisi baniini mbo yakayaka awa, a mambungano maniini a tubunga, taka konzyi kuzyala lubukulusyo. Kaka mana. ka kalissanganya ku inyika, kuzwa ku Ijwi lya Leza, nkabela ta kakonzyi kuli zyalulula keni. Leza uyo busya cintucimwi cimbi a katalika Ijwi Lyakwe kali zumanana kweenda; alimwi ikuti na yabamba kabunga, kayo fwa akalo! Mbo mbubo. Ta kakonzyi kuli zyalulula keni, nkaambo kakatintanisiga. Mbo cibede.

¹⁸² Amulange mapopwe anu akatintanisiga sunu, ba lati, “Ayo mapopwe mabotu loko.” Ngu—ngu mujayi. Nceeco ci mujaya. Maumi anu taka bambilwa... Mibili yanu tiiya kapangilwa ceeco. Mibili yanu yaka bambilwa museke mutaanzi wini. Ako nkekaambo bamauso a bamanyokwe, abamwi bambi, bakapona kwa ciindi cilamfu. Ako nke kaambo bakali bayumu. Muntu, myaka ili makumi ali ciloba a makumi ali lusele yakukomena, wakali tuyumu a tuyumu. Mwabona, bakali kuponema a zintu

zya bulenge. Amulangilile aba bantu bakaindi bamu malundu awa, baponena kuli badoe a—a miseke ini mitaanzi. Bikka muntu omuno, mu dolopo; ngooyu waboola ambali, ulilekaleka mupati, utandila myaka ili makumi otatwe ayosanwe, makumi one yakukomena. Cabuteteete? Nincobeni! Ee, Nda zwa ku ciiyo, embo na?

¹⁸³ Amubone, pele Ndi sola ku cimanizya kuli ndinywe, olo ndusumpuko, olo ndo twiita kuti zilengwa. Cilengwa, ula mvwa kunji loko kujatikizya eco. Lino, sena mwakasola kumvwa oko kweeleka kwangu kwa zilengwa mbo kwakabede? Walo muntu uta jsi camba ca kujaya kasulwe, pele ula konzya kulya cakucimwa kuli njiyo muntuumwi amana kumu jaya. Aboobo, Mebo, nce ncico Nce—Nce—Nce—Nce yeeya ku ziilengwa, nyewebo mwabona. Mbo mbubo, mwabona. Ta tu . . .

¹⁸⁴ Leza ta booli ku . . . Ta kuli *zilengwa* ku muntu muli Leza. To *musumpuli* kabotu muli Leza. Wa kazyalwa, kali mbuto ya Leza, kuzwa kuli Leza, lyoonse wakali Leza, alimwi takonzyi kuba cintu cimbi cita Leza. To kayide kabotu muli Ncico.

¹⁸⁵ Lino, obo mbwa kajisi musyobo wakwe wa Edeni, alimwi kwiinda ku lunyungu lwa kalemana! Saatani wabamba wakwe mpati akwalo, Edeni yakwe mpati eno. Ino ncinzi? Zilengwa, sayaansi, mambungano mabotu, ngazi zipati, bakambausi babotu bakalondolwa, lwiyo: “DA., D., Ph.D., LL.D., Mwiiyi wa Malembo, Mwiiyi wa Zyabukombi, Bamayi!” Ciindi coonse waamba booboo, ci mutola buyo kulaale loko kuzwa kuli Leza, ku musowela buyo kule. Elyo mbunga tai yandi muntuumwi kwiimikila alya a kubelesya mabala aa “hit, hain’t, a tote, a bweza, a yandaaula.” Taba yandi ceeco. Ba yanda cintucimwi cibotu.

¹⁸⁶ Eco nce cintu nciconya Kaini nca kajisi mu mizeeo yakwe (wisi wabo, ku matalikilo), waka tuula malubaluba a micelo ya nyika, cindi Leza nakali kuyanda cituuzyo, muntu ujisi ciyubunuzyo ca Leza: bwakali bulowa! Kutali piya, na piichi, na pulamu, na kufumbwa mbo cakabede, na, a aprikoti, mbuli mbo baamba lino: bwakali bulowa bwaka tugwisya kuzwa mu muunda wa Edeni, ii—ii bulowa bwakaubaukide, mwanakazi ulekela lunyungu lwa mwaalumi utali nguwe kubyalwa mwida a kwii talisya.

¹⁸⁷ Lino tu jana kuti, kutondezya kuti Mulumbe ngwa ciindi ceelede, eco Nce kanana kuli ndinywe, ula citondezya, amulange kujatikizya mazuba akutintanya sunu, kusola kubamba musyobo wazilenge muboto kapati. Amulange kutintanya. Amulange mu buumi bwa masamu. Awa mainza ainda . . .

¹⁸⁸ Akali mainza aya, akali obo, Nda kajisi duba liniini lyakaindi lya musokwe (wa kali kundi tondezya okuya maminiti masyoonto ainda, lya kaboola mu mizeeo yangu), duba liniini lya musokwe Nde kajisi mu mubunda awa, Nda kacita kutilaila

cintu eco ziindi zyobilo abuzuba, ku cibamba kupona. Ca katintanisigwa. Pele caka talikila kuzwa ku duba limbi liniini lyayelo, eelyo lyaka bikkwa antoomwe a cintucimwi cimbi, kupanga duba eli.

¹⁸⁹ Elyo mulombwana oyo muniini wakaima anze awo, cindi, inga wasya tukokola tuli kkumi mu bulongo nkabela tee mwaka konzya kujana abwalo mudumo munji waku swida. Mwabona, ya kali—ya kali—ya kali kuponena buyo mu suko, alimwi lyakali bbotu buyo mbuli, nkabela tii lya keelede kutilailwa. Lyakali taanzi lini. Tii lyakatintanisigwa. Kwakanyina cintu caka sanganisigwa kuli ndilyo, lyakali duba lini.

¹⁹⁰ Alimwi eci cakali cintucimwi caka sanganisigwa a ncico, ca kutilaila aku limamela, a kuli bebeka. Mwabona? *Eli* to cicita; taakwe buuka ali ndilyo. Twe elede ku lifwafwaza, a zintuzyonse zimbi, ku kuzibamba; a nzinini a tususuli a zintu, zyalo mbuli zeezyo. Ikuti na tociti, inga tua lijaya.

To jisi, kasusuli taka boola munsi lyalo!

¹⁹¹ Oh, oyo Munakristo, wini wakazyalululwa. Inga wamu sunka kubelesya cili conse nco yanda. Walo ucili Munakristo. Komu sunka kufumbwa nko yanda kuba, walo ucili Munakristo.

¹⁹² Ii mulindu muniini kuzwa kuli bamwi bakwesu awa, bamwi bantu banu, mbungano yabo yaka ndilembela lugwalo buzuba bumwi. Kati, “Taata tayandi kuti ndiinke ku bbesibbo...na musobano wa bbesibbo, Mukwesu Branham. Tula syoma...” Waa kati, kali myaka ili kkumi aibili yakukomena, kati, “Mukwesu Branham, tula syoma kuti ujisi Ijwi lya Mwami, muli ceeco nco twaambila lino.” Kati, “Ndi baanga ndiyeyea kuti taata uli lubide. Pele,” kati, “eco nco wamba, Ndiyo cisyoma.” Lino, oyo musimbi muniini mubotu, mwabona.

¹⁹³ Aboobo Nda kayeeya, “Ee.” Nda kati, “Oyandwa, langa ikuti na uli Munakristo, uli Munakristo kuli koonse. Takukwe makani awo mpobede, ucili Munakristo. Pele,” Nda kati, “yebo wabona, aa cibuye ca bbesibbo, eco taata nca yeeya, mula bamvwa bana kabakonkezya a kulilemeka bumwi mbuli boobo. Ndi cisyoma kuti inga waba Munakristo. Pele, nywebo mwabona, taata uli sumpukide loko mu buumi kwiinda mbobede. Mwabona?” Lino, Nda kati, “Lino uli myaka ili kkumi aibili yakukomena, elyo waamba kuti waka jisi mucizi muniini, wane. Lino uyanda kuti utende zidooli zya mapepa. ‘Oh, kozumanana, Nse jisi ciindi cakundaula zidooli zya mapepa.’ Mwabona, uli sumpukide kapati kwiinda mucizi muniini.”

¹⁹⁴ Lino mpe mpawo mbungano mpo yeelede kuba sunu, kusumpuka mu Ijwi lya Leza. Kutali Methodisti, Baptisti, ba Pentekoste, Presbyteria; pele kasumpuka mu Ijwi, ku bana balombe abasimbi iba Leza. Uh! Ncibotu. Ncibotu. I Mulumbe mukuba mu ciindi ceelede, watondezya.

¹⁹⁵ Ku sayaansi, ku sayaansi yakwe a kubbutukizya, nywebo mwabona, ba kasola kusandula zintuzyonse, kupanga mbuto yandeene, kupanga cintucimwi candeene, kucibamba kubota kapati.

¹⁹⁶ Amulange ku bacizi besu. Nda amba kaindi kainda, kujatikizya obo bakali kuboneka kabotu. Oh, inga wa ziimika awa mu kuzundana kwa nyika azimwi ezi zya Gloria Swanson, na bamwi basimisobano ya zisapi a zintu okuno mu California, nkabela niba ka kwiimpya kwa mamaile ali milioni. Pele zina lyabo taliko mu bbuku eelyo lya mpuwo; lili mu Bbuku lya Buumi, mwabona. Uh-huh. "Ii muuya wa lubombo a mubombe ndukono lupati kuli Leza." Elyo Bbaibbele lya kati nkambo—nkambo banakazi besu ku "balisakatizya beni a muuya wa ubombo a mubombe, kulibombya ku balumi banu, a buboto." Oyo ngo muulo mupati mu busyu bwa Leza. Mwabona? Mbo mbubo.

¹⁹⁷ Kutali boonse aba awa, eco ncoba kacita; balo, Max Factor, ba banakazi beebeke, caanje, kuli nkwa Saatani. Zintu ezyo zyoonse nzya dyabulosi. Sena mwakalizi obo? Nincobeni. Nzy dyabulosi zyoonse.

¹⁹⁸ Lino Nda yeeya mukaintu wangu muniini cindi nakali mubotu a mukubusyi, takali kunana misila. Peepe. Waa kaboola, Nda kamu bbizya mu Zina lya Jesu, cindi nakasamide dresi syoonto lyakali kusika ku mazwi mbuli *boobo*, mwabona. Pele lino uya bucumbaala, waa kati, "Ndiya busutena lukanda maningi."

¹⁹⁹ Nda kati, "Yebo ulizi, mbuli mboya bukomena, meso angu aya budimuka. Nda kuyeeya nzila mbo kabede, alimwi Nda yeeya a kuziba mu moyo wangu kuti uyooba buzubabumwi. Mwabona? Mwabona? Mwabona, a muuya wabutontozi mubotu oyo ngo jisi, Leza uyo tulandusya antoomwe alubo kutala okuya. Eco ncencico, mpawo tatu kacinci mpawo." Aboobo baa . . .

²⁰⁰ Pele, nywebo mwabona, mu mazuba akwa Nowa, cindi bana ba Leza niba kabona bana basimbi ba bantu, bakali babotu, baka tola banakazi, kuba bamakaintu. Mwabona, bana balombe iba Leza bakabona bana basimbi ba bantu, nkaambo bakali basinkwela a—a kusama mbuli *boobo*. Ba—ba kasukamina banakazi, nkabela ba kabaunkila, mwabona.

²⁰¹ Ndili lumbide kuti nywebo nobana ba Leza mwabona kwiindilila ceeco, mwabona, obo banakazi mbobali bamba beni. Mwabona?

²⁰² Pele ino ncinzi? Yoonse mibotu. Nku tintanya. Bweza bamwi babo, kusanzya masyu abo, ba . . . inga toziba eco nco jisi. Mwabona? Elyo mbo mbubo. Ndiza bukali bunji bwa kulwana saha linzwiima, a—a mubyabi, a—a silunyemo uusyupa, a musofwi, a kweendauka a mutnu umbi.

²⁰³ Ta ndikwe makani mukaintu wangu, Nda—Nda lemeka kusyomeka mu mwanakazi uuli oonse. Cindi Ne kali mulombe muniini, lyoonse Nda kat, “Ikuti na mwanakazi uusiya wakali kuyanda kusyomeka, inga Nda tila dosi lya bulowa bwangu bwamamanino ku mubamba boobo.” Mwabona, Nda lemeka eco ciluleme, cintu ciluleme. Nda kasola kuponena kuli ceeco, buumi bwangu boonse. Nda kali mukubusyi mpawo, lino Nda cembaala, Nse kacinca muzeezo wangu nokuceya. Mwabona?

²⁰⁴ Sayaansi, mu bubambe mbubonya Eva mbwa kacita, awalo wa kacita ku mbungano, ku mupilinganya. Wa kabweza mabambe akwe sunu, kwiinda mu mbungano yakwe yakanatintanisigwa, Edeni yakwe ya busyaasunu eyo njo tujisi sunu. Tu pona mu Edeni ya sayaansi, Edeni ya Saatani, Edeni yasayaansi.

²⁰⁵ Ikuti na tuyanda kuvununa kuli ncico, muli Isaya 14:12, Ndila cibalulula kuli ndinywe, ikuti na mula yanda, ikuti na mula yanda, :12 mu 14, “Saatani wakati muli lwakwe mwini, Njo lisumpula lwangu aatala lya Sijulu lya Majulu.” Wa kali kuyooba a bwami, kuti bayooba abalo bana ba Leza bayo mukomba.

²⁰⁶ Elyo nce ncico ncobeni nca kacita. Wa kacicita kwiinda mu mbungano, bukombi, mbuli mbwa katalika ku matalikilo, bukombi. Wa kacicita.

²⁰⁷ Akwalo mbuli musinsimi Paulo ngwa kabona, mu ba Tesalonika Bibili cipati 2, kuti wa—wa kasololelwa mu E-... yakwe, Edeni mpati ya sayaansi mu buzuba obuno, mu sayaansi, mu lwiyo a lusumpuko. Alimwi waka libamba, mwini, alimwi kumalekelo uyo lijana mu kkanso ya bupaizi, oko onse mambungano nkwaya ku mukotamina. Elyo mwabona mbo cibede? Walo muuya oyo wa lweeno uubeleka aakati ka bantu; bana ba Leza, abo bakabambwa mu cinkozya ca Leza; a bana basimbi ba bantu, abo bakabambwa mu cinkozya ca muntu; wakabatola kunsi lya bubeji, mbuli mbwa kacita Eva. Alimwi wali bamba, mwini, kwinda mu tooze twakwe twa sayaansi a lwiyo a zilengwa, kusikila wakali citila Edeni, ya lufu yabusyaasunu, ayasayaansi.

²⁰⁸ Oko, Leza, kwiinda ku Ijwi Lyakwe, kaambaula, alimwi Wa kajisi Edeni kakutakwe lufu; taakwe sayaansi, taakwe lwiyo mbuli ndo tujisi sunu, na taakwe lusumpuko.

²⁰⁹ Mwa cibona lino, mwa cimvwisywa na? Mwabona, lino uli jisi Edeni yakwe. Amulange, mambungano oonse mbwa mukomba. Eco cakabikka, Batesalonika Bibili awa, Wa kat:

... oyo muntu uliita mwini kuti Leza, kakkede *mu tempete lya Leza*, ...

Elyo boonse... aa nyika bayo fugama a kumu komba, abo bata jisi mazina alembidive mu bbuku lya buumi ilya Mwanaambelele... kuzwa ku malengelo aa nyika.

²¹⁰ Mwabona, ngu Edeni ya sunu. Lino ino ucita nzi, mwini? Uli mukweenda mwini, Rome, busena bwakwe bwamamanino, bupati bwa Edeni.

²¹¹ Nywebo mwabona oko poopu oyo nkwa kaboola okuno buzuba bumwi? Sena mwakabona kuti yoonse ya theetini yakainda kaindi? Wa kaamba mabala ali kkumi aotatwe, waka jisi mulalilo uli kkumi aotatwe, kaambaula mu Yanke Stadiamu, ili ngu theetini. Zintuzyonse zyakali theetini.

²¹² Elyo mweelwe wa cisi cesu ngu theetini, libonya mu cipati 13 ca Ciybunuzyo; myeengo ili theetini, nyenyeesi zili theetini, myeelwe ili theetini aa makkobili, nyenyeesi zili theetini aa kkobili, zintuzyonse zili theetini, a mwanakazi.

²¹³ Mpaawa kwaboola pope, mutwe, ku mwanakazi, sikulwanakristo mubeji kuli nabwiinga mubeji, wa sayaansi, eyo inyika yesu, inyika yesu ya kujwe ya America awa, na Inyika ya Kumbo, ya sololela inyika, mu sayaansi, waboola kuli nguwe, mu mbungano yakwe ya sayaansi, elyo eno boonse ba Protestant bala mufugamina, mwabona, aali bali kkumi ayatotwe. Mwa cibona? Zintuzyonse zili mu theetini. Cisi cesu coonse, zintuzyonse zimbi, zili theetini, inyika ya mwanakazi. Mwabona, mpaawa mpo tubede, tuli cijisi. Ya kasanduka kuba inyika ya mwanakazi mu muunda wa Edeni, pele iyooba inyika ya Leza buzubabumwi. Amubone lino.

Lino, akwalo, basinsimi aba a zintu zya kacaamba kuyooba.

²¹⁴ Elyo lino boonse alubo baboola mbuli mbo kwakabede Leza katana kweenda aa nyika, lwaba lupyopyongano lwa kumuuya. Nincobeni, luli jisi.

²¹⁵ Awa amubone Edeni yibili yaka kozyanisigwa kabotu kumatalikilo, ku kucenga, kutandila kubweza Basale. Amubone lino, eco. Ndiyo ezyanisa awa, maminiti buyo masyoonto. Lino Ndiyo elela kwiima, nkaambo ngu ileveni okuloko, elyo aboobo amuswiilile. Aya Maedeni obilo, obo eyi Edeni mboya kasola ku tondezya, mbuli buyo Saatani mbwa kacita ku matalikilo, kuli Eva mu Edeni iini, Edeni ntaanzi. Amu balangilile buyo, kutondezegwa antoomwe lino. Mwabona, tuli cijisi, lino bantubonse bamvwisya kabotu, Edeni yasayaansi mo tuponenamo. Mwabona? Lino, tii yakali Edeni ya Leza.

²¹⁶ Edeni ya Leza tai booli ku sayaansi, lwiyo, zilengwa. Iboola kwiinda ku Ijwi, mwabona, kwiita zintu ezi zyoonse mbuli kuti tii zyakaliko. Elyo amubone, mu muunda wa Edeni... Atu ceezyanisye buyo aniini. Lino amubone.

²¹⁷ I mwaalumi a mukaintu wakwe (mutwe wa i...mu muunda wa Edeni), bobilo bakali cinswe nkabela tiiba kacizyi. Sa mbo mbubo? Mu Edeni ya Leza, bobilo bakali cinswe nkabela tiiba kacizyi.

²¹⁸ Lino bali cinswe alimwi nkabela taba cizyi, Ciyubunuzyo 3, Bukkalo bwa Mbungano ya Laodikeya.

Nkaambo yebo . . . uli cinswe, uusampukide, mucete, mupenzi, moofu, nkabela to cizyi.

²¹⁹ Lino, mu Edeni ya Leza, bakali cinswe nkabela tiiba kacizyi. Elyo lino mu Edeni ya Saatani, akube kuti kwiinda ku sayaansi a Iwiiyo, bali cinswe alubo nkabela taba cizyi. Ino ndusandulo!

²²⁰ Amulange sunu. Amulange mwaalumi, kusola kusama zisani zya mukaintu wakwe zyakunsi; elyo uli mukusola kusama zisani zyakwe. Elyo uli mukusola kulekela masusu akwe kulampa mbuli aa nguwe; alimwi uli mukugela mbuli aakwe. Oh, oh, oh, ma! Baalumi basola kuba banakazi, banakazi kabasola kuba baalumi, lupilingano!

²²¹ Eco nce cintu nciconya mbungano ncoicita, cintu nciconya, Bukkalo bwa Laodikeya. Amubone.

²²² I kaambo nco batakazi kuti bakali cinswe, ku matalikilo, kwakali Muuya Uusalala wakaba vumbilila kuzwa ku cinswe. Tiiba kacizyi. I Muuya Uusalala wakali ku meso abo, taakwe nco bakabona pele munyina a mucizi wabo, mwabona. I milao, teeba kazi kuti bakali cinswe. Muuya Uusalala!

²²³ Lino, muuya wabusofwi, uutasalali a cisusi, wa kamuvumba; Iwiiyo, sayansi, “Baa, nca sayansi. Kusama zibbudula, kula tontola maningi.” Bama India inga bayiisya kabotu kwiinda boobo. Bala vungaila mu ngubo, kuti babikkwe eyakkondishina, mwabona,aku babikka. Mwabona, Iwiiyo lwa jokela ncobeni ku ciindi, i cintu nciconya eco ncoba yeeya caka baleta ku zilengwa a lusumpuko, zyaba josya mu kutaziba alubo, kubija kwiinda mbo bakabede mu busena butaanzi.

²²⁴ Kwiiya, Iwiiyo, kulanga ku zikolo! Amulange kumusanza okuya ku universiti, busiku bumwi, balo balombe! Mbangaye bavwanda bazyalwa kuli balo balindu bakibusyi okuya, kuli balo balindu bakibusyi amwaka ku universiti! Nywebo mula yeeya! Nywebo mwati, “Aya masifwilila aamugwagwa.” Alimwi balo, basankwa, “ni ngale zya twenti wani,” mbo babaita, kabananide misila ku milomo, a—a masusu kabumbidwe bumwi, a kuvungwa ku malola akulengelela ansi alya. Mbo baamba obo. Alimwi babi ku nsingo, abusofwi! Yebo wati, “Ee, oko nkuuma buyo kwa mu tugwagwa.” Cili obo? Balo mbasicikolo baku universiti.

²²⁵ Ba kakolwa kapati, busiku bumwi. Elyo tiiba kazi cakucita, elyo aboobo, kuba a kulwana. Elyo kunywa a mamambi, a zintuzyonse mbuli ezyo, tii zyakali zinji kuli mbabo. Ba kapwayaula mabbodela, akuzuza kuya ku mulyango wa banakazi, a kukonkomona aa mulyango; ba kaboola, kuba uma ku busyu. Kudonkol liso lya musimbi omwe cakumanininina, alimwi bunji bwabo kulemana mu buumi. Muyeeya kuti inga baleka eco? Peepe.

²²⁶ Balombe babo bobilo kabatanta atala ansi lya kagwagwa, elyo banakazi bobilo bakubusyi bakwetwe kaba kkede aa—aa matantilo, nkabela baka tukila banakazi. Basilikali baka babweza aku babikka mu ntolongo. Ulanga zya kwiya wakali okuya. Alimwi cintu conse kaciponena a universiti eyo, eyo nje milimo ilikkke njo bacita okuya. Kati, “Balo mbana bangu. Amu baangulule.” Ba kaangulula.

²²⁷ Mpaawo we; lusumpuko, lwiiyo, lusololela ku lufu a lupyopyongano, a gehena. Muta swilili ku zintu ezyo. Amubone eno.

²²⁸ Eva wakacita kusondela buyo aniini, kubona obo inyika mbo yakali kuboneka. Nywebo mulizi, ziindi zinji, “Twe elede kusama buyo kusyoonto kwa *ceeci*.” Na, nywebo mulizi eco Nce pandulula, weelede buyo kusondela aniini, ku bona. Lino mu Musalali Johane na . . .

²²⁹ Johane Mutaanzi 2:15, Leza wakati, “Ikuti na uyanda inyika na akwalo luyandisyo lwa inyika, luyandisyo lwa Leza talumo nomuba muli nduwe.” I zintu ezyo zili kubusena kuya zili fwide. Wa kapalulwa, zyaka gonkwa kuzwa kuli ncico. To yandi zintu zya inyika, uli fwide. Bali fwide. To yandi kufumbwa cintu cifwide. Cili bolede. Ci lanunka. Mbobuti cintucimwi cipona cikonzya kuyanda cintucimwi cisofwi mbuli ceeco? Mwabona, ula pona muli Kristo. I Ijwi li kubamba kupona.

²³⁰ Ma, cindi Nda ciyeeya mu buzuba obuno kuti tupona, lutegwa lwiiyo! To konzyi akwalo kusika ku cikambaukilo citakuti ujisi Digrri lya Bwiiyi, azimwi zimbi.

²³¹ Ci ndiyeezya chapuleni, ciindi cimwi, kazwa mu mpi. Wa kati—wa kati, “Mukwesu Branham,” (Kwa kali kumane buyo Nkondo Ntaanzi ya Inyika yonse.) kati, chapuleni wakati, “sajenti wakasika akuti, ‘Chapuleni, uyanda kwika ku bbuwa lya nkondo antomwe andime, kuzwa ku Argonne,’” okuya kuzwa ku La Salle, Lorraine, France, nywebo mulizi. Elyo kati, “Nda kaunka kuli eco Cisaka ca Argonne.” Elyo kati, “Wa kali kutola mweelwe wa myootokala minji ya zilwanyo yaka umwa.”

²³² Elyo kati, “Ya kali aa cifumo ca Pasika.” Kati, “Nda zwaa kumanizya . . . Nda keenda a narsi, elyo waa kali kupa balombe abo bakayaswa, duba lya America, nywebo mulizi, limwi America ndya kabelesya. Balo balombe baka kwempa duba eelyo, a kukwiila buyo a kulila, nkaambo ba lizi kuti lyakazwa ku muunzi.” Mwabona, lya kazwa ku muunzi.

²³³ Elyo nje nzila Mbwe yeeya kuti tula cita Ijwi, mwabona, ko Li kwempa, “O Leza!” Lizwa ku Muunzi, mwabona.

²³⁴ Kati, “Ndali kulimvwa kabotu *kutala* mu moyo wangu . . .” Wa kati, “Nda kaunka okuya a kuti . . . Elyo i—i silutwe wakazumanana kuzwa kuyo bweza mweelwe wa myootokala ya zilwanyo minji yaka nyonyoonwa, a zintu mbuli ezyo.” Kati, “I Muuya Uusalala wakati, ‘Koya ku mwaala oyo muniini.’” Elyo

wa kalanga koonse. Kati, “Ba kasowa oyo musitada a gaasi ya klolini a,” kati, “kuumpa buyo matu oonse kuzwa ku masamu. Kwakanyina cintu cakali kupona caka syaala, elyo mpaawa kwakali Pasika!” Wa kati, “Ino ngu Pasika! Ino ngu Pasika, kakuli taakwe bwizu abwalo aansi, taakwe cintu!” Elyo kati Cintucimwi caka mweebelezya ku mwaala. Wa kakwela mwaala atala, kati, “Kwakali duba liniini lya Pasika kunsi lya ndilyo, aka bambilwa kunsi lya mwaala, moonse mu magaasi akola.” Elyo kati, “Nda kayeeya, ‘O Leza, kondi bamba kunsi lya Mwaala wa Makkalo, mane koonse oku kukola kumane, a kundilekela kusonsa mu Nyika eyo kutala.”

²³⁵ Inga twaima mpoonya awa, ikuti na mula yanda, nkaambo Ndi—Ndi jisi kunji loko awa, inga Nse sika kuli ncico, nekuba, mwabona, kwa zintu. Aboobo ndiza inga Nda jokela a kucileta kuli ndinyewe.

²³⁶ Oh, Nda kazwaa kumanizya kukambauka buzuba bumwi, “*I Kasebyo Ka Muntu Musongo*,” nywebo nyoonse mwaka bala Eco, mwabona, “kuleta kubotelwa kwa muntu uusalala.” Amuyeeye, bakwesu. Kufumbwa nco cita, koyeeya! Baefeso 5:26, omuya lyakati.

²³⁷ Elyo twa kaambaula kujatikizya ijwi lya *kakanzwa*, nywebo mwabona, eco cilebya bunji bwabo. Ndi Ijwi lya Leza. Ula—Ula libelesya, “nkambo twa kakanzwa ku Ijwi lya Leza.” Elyo calo, muli ceeco tu... Cindi mwa kakanzwa, baa, ceelede kucitika, nkaambo nceeco Leza—Leza waka kusala nkaambo Wa kalizi eco ncoya kucita kuzwa ku matalikilo.

²³⁸ Elyo muta lekeli dyabulosi kumu fwafwaza kubelesya lwiyo a musamu uujaya, a zintu mbuli ezyo, “We elede kuba wasyaasunu. We elede kuba *ceeci*.” Ta mweelede kuba cintu pele bana balombe abasimbi iba Leza. Elyo ikuti na mwa kazyalwa ku Ijwi, mula cita. Amubone oyo kusansailwa. Ikuti na wa bweza mbuto, mbuto mbotu, nkabela wa kifaza, iyo—iyo ijaya. Elyo cindi bafwafwaza zintu ezi zyatubungwe atala lyanu, ciyo nyonganya koongelezya kwa Ijwi litaanzu. Ikuti na ba kwaambila, “We elede kucita *ceeci*. Baa, basimbi bamwi bala cicita. I baalumi bambi bala cicita.” Muta syomi eco. Ciyo nyonganya koongelezya kwa Leza kwa Ijwi Lyakwe aali ndinyewe. Nywebo mulizi eco.

²³⁹ Cibalo cesu caamba kuti, “Muta kozyanisigwi,” kusansailwa, “pele amusandulwe,” lunyungu luli muli ndinyewe.

²⁴⁰ Bantu basunu balilemeka mbuli kuti taba syomi akwalo kuti kuli Leza. Sena mwakalizi obo? Bala lilemeka mbuli obo. Lino, Nse yandi kubaita kuti mbafubafuba, pele bala lilemeka mbuli ncico. Nkaambo, Ntembauzyo 14:1 ilati, “I mufubafuba ulaambla mu moyo wakwe kuti, Kwiina Leza.” Ta mweelede kwiita muntu kuti mufubafuba. Pele ncobeni bala lilemeka mbuli mbo babede,

nkaambo taba . . . Bala lilemeka mbuli kuti kwiina Leza. Eli Ijwi tali bikkili maanu.

²⁴¹ Amulange, okuno buzuba bumwi, baka ndiita mu kaanda kuyo langilila . . . Billy Paul, Nda syoma, na bamwi babo, ba kaambide kuti kwakali ii—ii bubambe bwa bukombi aa cipekupeku.

²⁴² Ta tujisi cipekupeku. Takukabi yomwe mu ng'anda yangu, kutasola. Pele kwakali ii . . . Mula ziyanda, cili kuli ndinywe. Pele Leza waka ndaambilila kuta cicita.

²⁴³ Elyo cindi ni twa kanjila omuya, Nda kabbadela busena ku mucizi oyu mubotu wakaindi kutala okuya, waa kajisi cipekupeku nkaambo ba keelede kuba anjiyo kuli nguwe kubbadelesya ng'anda yakwe. Elyo Nda kabalekela kulanga mabambe aa bukombi, aboobo ba—ba kaita a kuti kwakali kwiimba kwa Makanimabotu.

²⁴⁴ Elyo waambaula zya nkamu yaba Ricky, kutala kuya kulilemeka mbuli mbo bakacita, kuliita lwabo kuti mbaimbi ba Makanimabotu! Kwa kaubausya kuli Jesu Kristo, kubona nzila mbo bakali kulilemeka bumwi, kulizungaanya beni, alimwi—alimwi oku kugelwa kwamasusu kwa Rickyfield a zintuzyonse, nywebo mulizi. Buyo, ca buyo—ca kaboneka buyo—ca kaboneka buyo mbuli kuti bwakali busena bwa kusabula!

²⁴⁵ Kaini wakali muntu uli boobo, mukombi mu ncito, masimpe. Pele wa kajisi lunyungu lulubide muli nguwe, mwabona, elyo nkikaako lwa kazyala lunyungu lwa nzoka. Saatani waka jisi kufooma kwakwe ku mbuto eyi ya Edeni, nkabela eco nce cakazyala Kaini. Wa kabikka musamu wakwe ujaya ali njijo.

²⁴⁶ Walo, Kaini, wakalizi luyando lulondokede ilwa Leza. Wa kalizi luyando lulondokede ilwa Leza. Kaini wakali luzi. Nkaambonzi? Pele, wa kakaka kucicita, wa katondezya mpawo kuba lunyungu lwa nzoka. Cindi na kabona luyando lulondokede ilwa Leza, wa kalukaka. Wa kabona Leza kasimpikizya mulumbe wa Abela. Wa kalizi kuti olo lwakali luyando lwa Leza. Mwabona? Wa kabona Leza kasimpikizya mulumbe wa Abela. Elyo ncinzi Leza nca kamwaambila? Elyo Wa buyo, Wa kati, “Kocita mbubonya, komba mbuli munyoko, nkabela—nkabela uyo cita kabotu.” Pele nywebo mwabona, wa kabona luyando lulondokede ilwa Leza, pele ta kaluyanda. Mwabona, wa kali kuyanda kuyungizya cintucimwi kuli ndulo.

²⁴⁷ Elyo aba basilwiiyo lwabukombi bala libona eli Bbaibbele, bala Li bala, pele taba yandi ku Li cita. Mwabona? Ci tondezya lunyungu lwa nzoka. Ba ka Li bona kalisimpikizigwa, alimwi mu buubauba kumbele ly a bantu, pele ciboneka kuti nciyumu loko ku bantu kulibombya lwabo ku Ijwi ly a Leza.

²⁴⁸ Sena nyoonse tamu jani, cindi mwaambaula, nywebo nobanakazi, ku basimbi, kujatikizya kuba a masusu malamfu, elyo ba lati, “Nkaambonzi nco jisi masusu ako malamfu?”

Mwabona? "Nkaambonzi nco samina misinsi yako anselelo, milamfu?" Wa inka kwaambaula kuli mbabo, ba baanga bala kucimwa. Sa mbo mbubo? Mwabona, ba lizi kuti cili luleme, ikuti na kuli—ikuti na kuli bulindu buli boonse muli mbabo. Mwabona? Ba lizi kuti eco cili luleme. Pele, nywebo mwabona, taba konzyi kulibombya kuli ceeco, mwabona.

²⁴⁹ Eco ncencico, mwabona obo Kaini mbwa kacita? Ta kakonzya kulibombya mwini ku Ijwi lya Leza lyaka simpikizigwa. Ta kakonzya kucicita.

²⁵⁰ Oh, ayalo Pentekoste yaamba kuti, "Bulemu kuli Leza! Aleluya! Nda gela masusu angu, a kukanana mu myaambo!" Huh! Eco citondezya mpoonya awo kuli cintucimwi cilubide, mwabona, lunyungu luzyala cintucimwi candeene.

²⁵¹ Ii Lunyungu talu konzyi. Ii Lunyungu lwa Leza talu konzyi kuzyala mwanakazi ugelede masusu. Talu konzyi kucicita. Konzyi buyo kucicita, nkaambo Bbaibble leya kaamba boobo. Mwabona, Tali konzyi kucicita. Peepe, munene.

Lino ciboneka kuyuma loko kulibombya ku Ijwi lya Leza.

²⁵² Amu cibone mu Matalikilo 4:6 a 7, kubala buyo kuzwa ku Lugwalo lumwi awa. "Kocita mbuli Abela mbwa kacita." Wa kati, "Ikuti na wa—wa bona eco munyoko wako..." Kati, "Kozumanana a kucita eco Abela nca kacita, kucita musyobo nguonya wa kuswaangana nkwa kacita, alimwi—alimwi Njo kulongezya. Ikuti na tociti, cibi cili aa mulyango." Lino, *cibi calo* "nkutasyoma." "Ikuti na tociti mbuli Abela mbwa kacita! Wa bona kuti Nda kamu simpikizya, a kumubamba kululama. Lino ikuti na tociti ceeco, mpawo citondezya kuti—kuti cibi, kutasyoma, ciledede ku mulyango." Mwabona?

²⁵³ Elyo sunu bala bona eco Leza nca simpikizya. Bala bona eco Leza ncali mukucita. Bala bona zintu ezi zyoonse kazicitika. Ba lizi kujatikizya ncico. Leza utondezya zitondezyo Zyakwe ku julu atala aa nyika kunsi, a zintu ezi zyoonse mbuli zeezyo, nkabela bala bona eco cicitika. Pele taba kaciciti. Mwabona, Saatani, lunyungu lwa nzoka; lusongo, kazwa mu maseminari, kaiya kweelede, ijwi lyoonse, zintu zyoonse, kwimikila aa cikambaukilo ca kululama buyo, a majwi onse kaaluleme, bwaambe kabuli kabotu, a zintuzyonse kazili kabotu. Mwabona? Masimpe, taba konzyi kulibombya lwabo, mulombwana mbuli oyo. Mwabona, taba konzyi buyo kucicita. Taba citi. Taba konzyi buyo kucicita.

²⁵⁴ Lino, "Ikuti na pe, cibi ciledede ku mulyango; kutasyoma kuledede," mpawo wa kaba sikutamvwa acaali. "Elyo cindi waziba kucita cibotu, nkabela to cicit, kuli nduwe ncibi," ikuti na ulizi eco ciluleme nkabela to cicit. Mwabona? Mpawo wa kaba sikutamvwa wacaali Ijwi nilya kamana kusimpikizigwa, mpawo wa kazabuka muncali wa kwaandaanya, mpawo wa katandwa kuzwa ku Edeni cindi na kazabuka. Kuli mundando oko nko

sakana, alimwi, ikuti na waunka ambele ku lubazu lumbi, uli zwide. Nywebo mulizi obo, embo na? Kuli mundando. Ikuti na tamu cisyomi, amu bale ba Hebrayo 10:26. Olo Ndugwalo Ndwe li kutondeka okuya, mwabona.

Nkambo ikuti na twa bisya acaaali kwamana...twa tambula luzibo lwa bwini, takucikwe limbi cituuzyo ca cibi,

²⁵⁵ Eco Ncizuminano Cipy. Sa mbo mbubo? “Ikuti na twa bisya acaaali twa mana kutambula Luzibo olo lwa kambaukwa kuli ndinywe, kubala kuli ndinywe, kutondezya kuli ndinywe; twamana kubona luzibo lwa Bwini, nkabela ula zumanana a kutasyomwa, acaaali, takucikwe limbi cituuzyo ca cibi.”

*Pele ii...kulangila kuyoosya...ku i bukali bupati,
obo buya kunyonyoona mulwani.*

²⁵⁶ Sa mbo mbubo? Inga wazabuka muncali oyo. Mbuli bana ba Israyeli mbo bakacita mu lweendo lwabo, kuboola kwiinda mu nkanda, Israyeli wakacita nciconya. Niba kamana kumvwa mulumbe wa Musa a kuubona kausimpikizigwa; kaswiilila ku musinsimi mubeji oyo wakati, “Oh, lino amulange, no bana, toonse tuli bamwi. Twe elede kukwata umwi akati kabo, alimwi tweede kucita *ceeci*.” Elyo Musa waka baambilila bwandeene, a kubona Leza ka cisimpikizya. Nkaambo, Balamu wakali kuboneka kuba muntu mulailizi loko kwiinda Musa mbwa kabede, mwabona. Wa kazwa ku cisi cipati oko kwakali bantu balemu, alimwi boonse bakali kabunga antoomwe, nyika ya Moabu, impi mpati, a zintu zipati ezyo bantu mu mazuba ayo nzobakali kuyoowa. Elyo mpaawa kwa kaboola musinsimi kunselelo, musinsimi, umwi munanike, umwi munanike mubeji, mwabona, kaselemuka kuli umwi uunanikidwe (amulange obo munsi), a kuyiisya bantu, nkabela bunji bwabo bakaunka kutobela ceeco. Muta lciubi eco. Mwabona, katobela cintu eco catakali Ijwi, Ijwi lyaka simpikizigwa lyakatondezegwa!

²⁵⁷ Muta lekeli muntu kunjila omuno a kumwaambila cintucimwi candeene. Amulangilile eco Leza ncali mukusimpikizya a kutondezya.

²⁵⁸ Lino ikuti balo bantu bakalanga musule, a kwaamba, “Musa! Leza wakalibonya mu milengalenga. Elyo muntu wa kaamba mukuba, intabwa, nzinini, baculwa; ba kagusya mukuba, zyuute a malwazi. Kajula Lwizi Lusalala, nkabela twa kaboola...Elyo waka tusanizya mana akazwa ku julu. Oh, oyo musinsimi wesu!”

²⁵⁹ Pele mpaawa kwa kaboola musinsimi umbi kunselelo, “Bulemu kuli Leza! Ndili musinsimi, ambebo.” Kwaamba, “Lino, nywebo nyoonse, Ndiyo mwaambila. Lino, lino mwamvwisy, Nda belesya bwaambe buboto bwa cisyobo kwiinda Musa. Elyo Ndili nzila *eyi* a *nzila* eyo, mwabona,” azimwi zimbi.

²⁶⁰ Elyo cintu citaanzi mulizi, baka cengwa kuli ncico. Elyo umwi aumwi wabo waka nyonyooka moonya mu nkanda. Taakwe umwi wabo wakapona. Taakwe noba kacita. Taba kabi ku Julu, taakwe umwi wabo. Jesu wakaamba.

²⁶¹ Ba kati, “Bamatata besu bakalya mana mu nkanda!” Mwabona, ba Pentekoste, yaa, mwabona, ba kaboola ncobeni kwinda mu luzibo loonse. Ba, “Bamatata besu bakalya mana mu nkanda!”

²⁶² Wa kati, “Elyo bali, boonse, balifwide.” *Lufu* lwalo “nkwandaanisigwa Kutamani.” Taba kabuki alubo, nekubakuti bakali kwinda mu luzibo olu loonse. Kukanana mu zikozyanyo, ba kaamba mu myaambo, a kuzyana mu Muuya, a zintuzyonse.

²⁶³ Pele cindi nicaka boola ku kazekelo aakati ka Ijwi aakati ka basinsimi bobile, umwi wabo aa Ijwi, a umwi umbi kazwide ku Ijwi; boonse kabali, basinsimi. Mwa mvwisya na? Amwaambe, “Ameni.” [Mbunga yaamba, “Ameni.”—Mul.] Umwi aa Ijwi, a umwi umbi uuzwa ku Ijwi; boonse babo, basinsimi, bakatondezegwa kuba basinsimi. Pele umwi wakali a Ijwi, mwabona. Bantu bananikidwe babeji mu mazuba aa mamanino, mwabona. Omwe... Basinsimi, boonse babo, basinsimi; umwi aa Ijwi a umwi (omwe) kasimpikizigwa ku Ijwi, a umwi umbi taka simpikizigwa ku Ijwi. Kaini a Abela, alubo. Mwabona bobilo, babeji—babeji aba bwini? Yaa.

²⁶⁴ Pele umwi aumwi wabo wakabola mu nkanda, a kuloba. Myuuya yabo ili fwide, a kunyonyooka. Elyo bali moonya mu bulizi bwa mulimo, kuya ku cikombelo a zintu nzyoonya Leza nzya kabasalila kucita, pele wakazumina mwiyyi mubeji, oyo wata kasimpikizigwa ku Ijwi, kuti atondezegwe kuba ciluleme. Nekubaboo, wa kali Mwiyyi wa zya Buleza a bukombi, a kufumbwa bambi mbo yanda kwiita musinsimi wakasimpe, pele tii zyaka tondezegwa kumuuya kwinda ku Ijwi a kwinda ku zitondezyo zya Leza. Elyo baka nyonyooka mu nkanda; bantu, baluleme, balemekwa, babukombi, bakafwa, alimwi tabakabi ku Julu.

²⁶⁵ Mwabona awo mpo tweede kweenda? Mwamvwisy na? Muta cilekeli kusupuka.

²⁶⁶ Mbubonya mu ciindi Ijwi lya mbuto ilya Nowa kayaka kusandula kwa kwiibuka kuzwa aa nyika kuya ku mulengalenga. Ca kalimvwisy kunyongana ku bantu, kuba kakamu kanguzuuzu kaniini mbuli Nowa mbwa kajisi. Elyo wa kabaambila, kati, “MBUBOOBU MBWAAMBA I MWAMI. Leza waamba, nkabela kuboola mvula.”

²⁶⁷ Sayaansi, a bakombi bayiide ba buzuba obo, bakati, “Amulange silweeno oyo wakaindi. Uya bucumbaala, mizeezo yakwe ila sobelela.”

²⁶⁸ Mwabona, pele wa kali luleme, nkaambo wa kali musinsimi waka simpikizigwa. Elyo mpawo, ku ciindi camamanino,

mulumbe wakwe waka simpikizigwa ncobeni. Ncinzi nca yoocita? Wa kasandula kuzwa aa nyika kuya ku Bulemu, ku bwaato, lya Ijwi eelyo ndya kali kukambauka. Lya kasandulwa.

²⁶⁹ I kufwafwaza kwasayaansi kwa kabozya zimwi zyayo mu lubeta. Ba kabola atala lya meenda aa lubeta, aa zambangulwe.

²⁷⁰ Ino bantu basola kucita nzi sunu, mu bukkalo obu bupati bwasayaansi ibwa lwiiyo, mbungano ya Edeni, yaka boozegwa ku Edeni yayo, ciimo cassayaansi, mu cibaka ca Ijwi? Sa bali mukusumpula Ijwi lya Leza? Sa bantu basola kusumpula Ijwi lya Leza, na sa basola kulisumpula beni? Ino ncinzi? Ndalibuzya?

²⁷¹ I mbungano ya kalemana: luzibo, mabambe, akacitya mukowa oonse alubo, kwiinda kuli zyasayaansi, kutaba a luzibo musayaansi kujatikizya Ijwi lya Leza. Kutaba a luzibo munzila yasayaansi kujatikizyaa Ijwi lya Leza! Oko nkunji kapati, embona? Pele, mbo babede.

Kwaamba, “Ta cikonzyi kuba”?

²⁷² Mbo cakabede cindi Jesu nakasika. I buzuba obo Jesu nakasika, balo—baloo bantu bakaziba Ijwi eelyo lya Leza, kwiinda buyo ku lugwalo. Tiiba kacita na? Masimpe. Pele bakali bantu batakwe luzibo Obo Mbwa kabede, cindi niba kabona Leza aatala amababa aa nziba, kacita a kucita mbubonya buyo eco Nca kaamba kuti Uyo cita. Elyo Wa kacita eco Ijwi ncolya kaamba. “Ikuti na Nse citi milimo ya Taata Wangu, nkokutti muta Ndi syomi.” Pele Wa kacita mbubonya mbuli Ijwi mbo lya kaamba kuti Uyo cita. Elyo bakali bantu ba sayaansi mu mazuba ayo, pele tabazi munzila yasayaansi, ku kubisya acaaali.

²⁷³ Cisusi caka ofwaazigwa. Ba yandikana Ijwi lya Leza ku mutondezya—ku mutondezya ciimo ca cinswe. Mu Ciybunuzyo 3, kat, “Nda kulailila kuti uule kuzwa kuli Ndime cakunanika, kutegwa meso ako ajuke, kuti ukonzye kubona cinswe cako.”

²⁷⁴ I cakunanika ndi Ijwi lya Leza, kuponya kwa meso ayo cikugusya ku zintu zyakunyama zya inyika, a ku kusandula, kwiinda ku nguzu zya Leza, mu Busyu Bwakwe. Mpawo nywebo mwabona! Yebo wati, “Nda kali sweekede ciindi cimwi, lino Nda kajanwa. Nda kali moofu, pele lino Ndila bona.” Mwabona, inga cabu candeene.

²⁷⁵ Oko nkwiitwa kwa mbungano mbo kubede sunu, nku, “Nda kulailila uboole uule kulli Ndime nkambo ka meso ako, kutegwa unanikidwe kubelesya Aangu, elyo mpawo uyo bona.”

²⁷⁶ Lekela Muuya Uusalala uboole aa muntu uli oonse oyo ujisi cintucimwi ncobeni anselelo alya! Ii kuponesegwa kuzwa mukati. Lekela kuponesegwa oko kuzwa ku Muuya uli muli nduwe. Ikuti na Muuya wini ulananika Lunyungu lwini, Ta ukonzyi kucita cintu pele kuzyala mwana mulombe na musimbii wa Leza. Pele Muuya wini inga wasika atala ii—ii mbuto ya nsoke, mvula inga yawida nsoke, alimwi uyo ibamba kupona

mbubonya buyo mbuli mbou wida ali whiiti akuubamba kupona. "Pele kwiinda ku micelo yabo moyo baziba." Mwabona? Tuli musamu wa micelo, wa Leza, kapa Ijwi Lyakwe.

²⁷⁷ Jesu wakati, "Muntu ali kake mwini, aku Ndi tobela. Amu muleke a kake lwiyo lwakwe, a kake luzibo lwakwe, a kake madigri aakwe; abweze ciingano cakwe a ku Ndi tobela."

²⁷⁸ Bantu baka sweekelwa miyeeyo yabo ili kabotu ya kulilemeka kweelede. Ndi tobezya Magwalo masyoonto ansi awa, buyo ku... Ndali kuyanda kulipa lwangu kutandila maminiti osanwe ali ncico, teeni, mwabona. Bantu baka sweekelwa kulilemeka kwabo kubotu akati ka umwi aumwi. Ta bali—ta bali mbuli mbo bakabede. Baalumi ba musela, wa bakwesu a Ndime, awa, mulizi, a banakazi. Bantu taba ciciti mbuli mbo bakabede. Ba kasweekelwa kumvwisya kwabo kuli kabotu. I—i—i kuyeyya—i nguzu zya kuyeyya nko zyaka jisi abantu aba bamazuba aya abusyaasunu asayaansi mbo ponamo, wa kacitya bantu kusweekelwa kubuzyabuza kwabo kwa bupange. Taba konzyi kulemeka muntuumwi, mwanakazi, mbuli mucizi a mukwesu. Ncintucimwi cisofweede. Mbo baka....

²⁷⁹ Elyo banakazi beeledge kusama mbuli basibwaamu, kuya akati ka bantu. Elyo ba lati, "Ndili mwanakazi uli kabotu." Ee, ino uli samikila nzi okuya mbuli boobo? Uli ofweede. Ee, ikuti—ikuti na yako... Ikuti na umwi wa bacizi aba awa, wa—wa musela muniini, ikuti na banyoko na baama niba keenda mu kagwagwa, nzila umwi wa banakazi aba, niba kamubikka mu kabunga kabalanganya basondokede; taa kajisi akwalo mizeeo yakuziba kusama zisani zyakwe. Ee, ikuti na bwakali busondosi kaindi, bwalo mbusondosi alino. Ucili musyobo nguonya wa mwanakazi. Mwabona? Pele baka sweekelwa kulilemeka kwabo koonse, kumvwisya kwabo koonse. Ba kasweekelwa zyabo. A kumvwisya kwasunu, a cilengwa a lwiyo, "Ni nseba mbotu maningi, kuba njiyo." Bwalo mbubi a lufu! Amubone. Mbo babede, oh, kutali mbuli mbo bakabede. Cindi i....

²⁸⁰ Elyo amubone mu buumi bwa mbungano. Ca kali kunga, mu buumi bwa mbungano, kaindi loko kainda, cindi musinsimi naka jisi cintucimwi ca kwaamba, MBUBOOBU MBWAAMBA I MWAMI, bantu bakeenda. Ba kakkala ncobeni a Ncico. Ba keenda. Pele lino, "Nse tuyandi mulombwana oyo. Mu vootable kuzwa." Huh! Mwabona? Uh-huh. Mwabona, taba cijisi kumvwisya limbi. I bantu taba ceendi limbi ku Muuya wa Leza.

²⁸¹ Ijwi lya Leza walo Muuya Wakwe, alimwi Ijwi Lyakwe liboola ku musinsimi Wakwe. Elyo Ijwi lyeelede kukusandula kuzwa ku zintu zya inyika ziliko, mu cinkozya ca bana balombe abasimbi iba Leza. Elyo Ijwi likonzya biyo kuboola kwiinda mu basinsimi aba, mbuli mbo baamba. Alimwi cakeelede kweelana a Ijwi, a kutondezya kuti lyakali Ijwi. Mpawo ikuti na wa zumina

Ijwi eelyo, Liyo kusandula; kuzwa ku mwana wa Leza, na mwana musimbi...na, kuzwa ku mwana mulombe wa nyika, mwana musimbi wa nyika, kuya ku mwana mulombe a musimbi iwa Leza.

²⁸² Amu mulange mukati muno. Mbangaye baka jisi luzibo olo? Umwi aumwi wesu. Twa kajisi luzibo olo. Nkaambo, Lya kaambwa, Lya kasyomwa, nkabela Ijwi lya kayutuka a kuwida mu bulo bwa moyo, alimwi alya Lya kakaomena ncobeni kuzwa kuli ncico. Mwabona?

²⁸³ Kulisandula omwini, Muuya Uusalala Wakwe usandula Ijwi lya mbuto kuba mu cinkozya Calyo. Mboli kuti cisamu ca piya cizyala piya, cisamu ca apele kuleta apele, zintu mbuli ezyo; Ijwi Lyakwe liyo zyala bana balombe a basimbi iba Leza. Eco nco lyeelede kucita.

²⁸⁴ Buzuba bumwi cindi inyika niya kalede mu mudima a lupyopyongano alubo, Muuya wa Leza wakazumanana kweenda, mu Mbuto ya kakanzwa. Ii Mbuto yakakanzwa, yakakanzwa, ya kasandulwa. Ya katola Isaya 9:6.

²⁸⁵ Lino, musinsimi oyo kaimvwi awo, ino i—i muntu oyo wakajisi koongelezya ku masi, bantu. I bantu bakombi ba buzuba bwakwe baka musyoma; kutali boonse babo, taakwe noba kacita. Pele, oyu musinsimi, ba kabona muntu oyo kaamba zintu alimwi cakali luleme ncobeni. Eco nca kaamba cakali londokede, nkabela caka citika. Elyo, awa, oyu muntu weeblede kwiima kumbele lya bantu bakwe, a kwaamba, “I nakalindu uyo mita,” oh, kuzwa ku kaambo. Pele, nywebo mwabona, Leza taka caamba, Mwini, Ula caamba kwiinda mu basinsimi Bakwe. Lino, kwakanyina cintu cakalembwa mu Bbaibbele kujatikizya ceeco, pele oyu musinsimi wakaima, kati, “Ii nakalindu uyo...” Muli Isaya 9:6, “Kuli ndiswe Mwana wazyalwa, kuli ndiswe Mwana mulombe wapegwa; Zina Lyakwe liyo tegwa ‘Sinkuta, Mwami wa Luumuno, Leza Singuzu, Taata wesu Uteeli.’” Lino ikuti “nakalindu uyo mita,” eelyo Ijwi lya kaambwa, eyo yakali mbuto, busena bweelede kubako ku kwiitambwida muli njiyo, buzubabumwi. Wa kalingaula mu masi, kwakanyina naba omwe. Wa kainda mu masi, kwakanyina naba omwe.

²⁸⁶ Elyo kutandila myaka ili myaanda ya lusele yakainda, eyo Mbuto yakakanzwa yakajana akuzyalilwa, nkabela ya kaboola kukomena.

²⁸⁷ Mboli buyo Leza mbwa kacita ku matalikilo, “A kube mumuni,” elyo ndiza myaka ili myaanda ya lusele yakainda kwa kayutuka mumuni. “A kube samu,” lya kayutuka mboli boobo alubo, zintuzyonse Nzya kaamba.

²⁸⁸ Njeeyi Mbuto yakakanzwa kaizyala *Emanueli*, “Leza andiswe.” “Elyo kuli Nguwe Bamasi bayo yandaula,” alimwi Oyo Walo ngo tu yandaula sunu, Jesu. Nywebo mwabona, Mbuto ya kakanzwa!

²⁸⁹ Saatani wakasola ku Li fwafwaza, mbuli mbwa kacita Eva. Wa kasola ku Li fwafwaza, pele wa kakakilwa. A citantamuna Cakwe buli *kokuno*, Wa kali Mbuto yakakanzwa. Tiiba kakonzya ku Mu njizya, ku Mu bamba kuba Farisi na Saduki. Tiiba kakonzya ku Mu bamba kuzulilwa ku kabunga kali koonse. Wa kali Ijwi lya Leza lyakakanzwa, lyakaambwa. Saatani takali kukonzya kuwaala kutasyoma kwakwe ali Nguwe. Wa kajisi citantamuna ali Nguwe.

Leza, tu fwafwaza a cintu citantamuna, ngo mupailo wangu. Mbo mbubo.

²⁹⁰ Mpawo Muuya wa keenda ali Nguwe aku Mu tuma ku Kalivari, ku ciingano, ku kuleta Mumuni mu buzuba obuno, a Mumuni ku Mbuto zyoonse zya kakanzwa ku Mbungano ya buzuba obuno, kusandula bana balombe abasimbi iba Leza, mu Busyu Bwakte.

²⁹¹ Muta lebwi ku bbala “kukanzwa.” Nda kainda muli ndilyo, nywebo mwabona. Ndi yanda ku mutondezya, ba Efeso 1:5.

²⁹² Mwabona, mbuli buyo mbo kabede, amulange, mbubonya buyo mbo mwakali muli bauso; mbuli Mbwe kaamba busiku bumwi, mbubonya buyo mbo mwakali muli bamauso ku matalikilo. Ikuti tii mwali obo, nimwa tali kokuno. Pele, nywebo mwabona, ya kacita kuunka ku busena bwa kuzyalila, kutegwa kuletwe. Elyo lino uli mwana wakwe mulombe, uli mwana wakwe musimbi. Mwabona, ni mbuto. Elyo mpawo ikuti na wakasola . . .

²⁹³ Ikuti na uli Munakristo lino, mbuto ini yakakanzwa, wakali muli Leza kakutaninga kuba ii . . . Lyoonse wakali muli Leza. I nseke ya buumi bwako, buli mbube bwa Leza, oyo wakali muyeeyo Wakwe.

²⁹⁴ Kwaamba, kupa mukozyanyo, oyu mulindu munijiini mubotu ukkede *awa*, mwabona. Leza wakati, “Mu buzuba kuyooba musimbi, zina lyakwe liyooba *Boobu-a-boobu*. Walo uyooba boobu, boobu, a boobu,” alimwi akwalo kuziba ku oora eli ndyoonya, “inga kano kkede kaswiilila ku Mulumbe, kasamide dresi lisubila.” Mwabona, oyo wakali muyeeyo Wakwe. Kufumbwa mulumi wako mbwabede, alimwi kufumbwa mbwabede; elyo Uyo leta eci antoomwe, alimwi kuti noka kkala omuno mu—mu dolopo eli—eli ku buzuba obuno. Ta kukonzyi kuba nzila kuli nduwe yaku cikakilwa, mwabona, nkaambo ula komena. Elyo kufumbwa kuti koli mbubo mukati, kokomena, weelede kuleta mbubonya buyo eyo mbuto ncoya kaamba kuti uyo cita. Obo mbombubo. Ndi Ijwi Lyakwe; Ula bamba Ijwi Lyakwe, Ula Li mamela.

²⁹⁵ Wa kali muli bauso, mbuli nseke, alimwi wa kayutuka mbuli mwanamusimbi; nywebo, nywebo, umwi aumwi wanu, bakwesu a bacizi, mula yutuka. Ikuti na tokali muli bauso, nkokuti notaliko okuno.

²⁹⁶ Elyo ikuti na tokali muli Leza... Ikuti na mula syoma mulumbe wa Bbaibbele, a Mulumbe uliko wa buzuba, kusimpikizigwa kwa Nguwo; i kaambo ncoli kkede awa, nkaambo wa kakanzwa kukkala awa. Notali kookuno akwalo, kumwi; notali mu kagwagwa, ndiza koli mukolwi, nobamwi banu; alimwi nobamwi awa akweendauka konse a bamakaintu ba baalumi bamwi; elyo nywebo no banakazi kumasena, bakwetwe, a kweenda koonse a balumi ba banakazi bambi, na cintucimwi mbuli ceeco. Mwabona, pele mwakali kanzilwa kuba kokuno. Mwabona, tamu konzyi kucincina. Mu jisi Taata, Ngu Leza, alimwi mwakali mbuto.

²⁹⁷ Elyo cindi Na kasika ku busena, Uli jisi lino oko... Wa kali muli Nguwe kaindi, mbuli muyeeyo, lino uli muntu ukonzya kuba a luswaanano a Nguwe. Mwabona? Mbili mbo mwa kabede mu—mwakali muli bamauso, ku matalikilo, pele lino muli bana balombe abasimbi, kutegwa mukonzye kuba a luswaanano a bazyali banu. Lino tuli bana balombe abasimbi iba Leza, abo bakonzya kuba a luswaanano a Taata wesu Leza. Mwabona, colo ncibotu kapati! Sema mula ciyanda eco? Mpawo wakaba mbuli Nguwe. Elyo ikuti na twa kali bana, mpawo uli bube, alimwi bwakali mu ciimo Cakwe ku matalikilo.

²⁹⁸ Elyo, amuyeeye, ikuti na mwakali muli Nguwe ku matalikilo; elyo cindi Jesu, uuli ngu Leza, Ijwi lyakaba mu mubili wabantu a kukkala akati kesu; mpawo mwakali muli Nguwe a kwiima tumpenda oto Ntwa kabweza. Wa kaunka ku Kalivari a Nguwe, muli Nguwe. Wa kafwa, muli Nguwe. Wa kabuka, muli Nguwe. Elyo lino muli kkede antoomwe mu masena Aakujulu, muli Nguwe. Mwabona?

²⁹⁹ Ikuti na Ndili muna America, Nda iminina mause akwe onse, Nda bwiiminina bulemu bwakwe boonse. Kufumbwa obo mbwa kabede, Mbwe bede. Ndili sicisi muna America. Nda kali... Nda kaseluka aa Plymouth Rock. Iiyi, munene. Inzya, Nda kaseluka aa Plymouth Rock. Nda kasaina i... Nda kali mu hoolo cifumo eco cindi niba kasaina Bulembo bwa Lwaanguluko. Nda kabusaina a mbabo. Ndili cibeeela ca buvubi bwakwe. Nda kasaina Bulembo bwa Lwaanguluko. Mbo mbubo. Nda kali a Washington, ku Valley Forge, cindi na kazabuka mulonga. Nda kaliko cifumo eco. Nda kapaila a nguwe. Nda kaliko. Wa kali, mbuli muna America. Ikuti na uli muna America, wa kaliko. Nkambo, zintuzyonse America mboibede, mbo bede. Nda kaimikizya ndembela—ndembela aa Guam. Nda kabagwasya kucita ceeco. Nda kacita kusoleka konse. Nda kayumuna mause aakwe, mbuli silucinco lupati. Kufumbwa mbwa kabede, Mbwe bede.

³⁰⁰ Elyo kufumbwa Kristo mbwa kabede, Mbwe bede. Obo Mbwa bede, Mbwe bede. O Leza! Ikuti na Ula nganisigwa kuba sikwiindilizya, mbubonya Mbwe elede kuba. Ikuti na Wa kali ii—ii Bezebule, ku milimo Yakwe ya Muuya Wakwe, Ndili

obo ambebo. Kufumbwa Mbwa kabede, Mbwe bede. Kufumbwa Mbwa kabede, mbobede.

³⁰¹ Twe elede kuba basikuzibya babubi bwakwe, lwaanguluko lwakwe na mpuwo yakwe, bulemu bwakwe na mause aakwe.

³⁰² Twe elede kuba boobo. Twe elede kuba Mbungano, Nabwiinga wa Jesu Kristo. Nda kapona a Nguwe aa nyika, cindi Na kapona. Nda kafwa a Nguwe cindi Na kafwa. Nda kabuka a Nguwe cindi Na kabuka. Ndili bungene a kukkanala a Nguwe lino mu masena Aakujuju, nkaambo Ndili cibeela Cakwe. Kufumbwa oko Nkwa bede, Nkwe bede. “Oko mulanda Wangu nkqwabede, Njo oba ambebo.”

³⁰³ Lino Ula konzya kuba aluswaanano a ndiswe a kwiinda muli ndiswe, a kubikka Ijwi Lyakwe andiswe. Kwalo, tuli cibeela ca Ijwi Lyakwe. Tu . . . Ikuti na Walo ndi Ijwi, alimwi tuli cibeela Cakwe, nkokuti tuli cibeela ca Ijwi.

³⁰⁴ Elyo mbobuti Mbwe konzya kukaka kuti Ndi jisi janza? Takukwe makani obo kunji tuyanga umwi, amu ndijatile, sayansi imwi inga yaamba kuti—kuti Nse jisi janza; Ndi jisi janza! Ndi lizi Ndi jisi janza. Nda libelesya.

³⁰⁵ Elyo Ndi lizi Ndi jisi Leza. Ndi jisi Mufutuli. Nda Mu mvwa mu buntu bwangu. Ndi—Ndili cibeela Cakwe. Eco ncencico Ijwi eli nco lyaamba, obo Mbwe bede. Elyo ikuti na Nda kaka cibeela comwe ca *Ceeći*, eco inga caba mbuli kukaka kuti Ndi jisi janza, kutwi, liso. Nse konzyi kucicita alimwi nkecili muntunsi, mu mizeeo yangu iikkwene; naanka kuti inga Nda kaka kufumbwa Ijwi lya Leza a kukkanalila muli wangu ululeme, Muuya uululeme wa Leza. Nde elede kubweza eco kabungwe nco kaamba na eco Leza nca kaamba kujatikizya Ndilyo. Mwabona? To konzyi kucicita.

³⁰⁶ Lino, “kusandulwa.” Ula konzya kutusandula kwinda mu Ijwi Lyakwe, kutegwa tukonzye kulyookezya, nkaambo tuli cibeela ca Ndilyo.

³⁰⁷ Elyo lino kuli zintu zinji, mu kwaambaula zya kuzyalwa kwangu kwakunyama, kuli zintu zinji mu kuzyalwa kwangu kwakunyama ezyo Nze takonzyi kulikankaizya. Njo kwaambilila, Nse jisi cintu cakuli kankaizya. Baama bakali basizibi, kuzwa kumatalikilo; bataata bakali basizibi. Elyo mpawo kwa kayutuka nkamu ya basikutenda tumeneno a basikulwanya ntobolo, alimwi bunji bwabo baka fwa kabasamide majombo abo; bakolwi a basambala makoko kunze acuulu, a zintuzyonse zimbi, kuzwa mu Kentucky. Baama bangu, ba India kucibeeda cimwi. Elyo Nse—Nse jisi cintu cakuli kankaizya. Nse konzyi kulikankaizizya aa matobelanwa a mukwasyi wangu.

³⁰⁸ Pele, bulemu kuli Leza, kuli cintu comwe Nce konzya kulikankaizya, Kuzyalwa kwangu Kwabili, oko kuzwa kuli Jesu Kristo. Nda konzya kulikankaizya aa Muzyali oyo ngo tujisi, nkambo Ngu Taata wangu. Walo Mufutuli wangu. Walo

Munununi wangu. Nda konzya kulikankaizya aa zintuzyonse ezyo Nzya—Nzya kandi citila, nkaambo lino Nda ba mwana Wakwe. Nse cili mwana wa Charles Branham, Ndili mwana wa Jesu Kristo. Mbo mbubo. Nda konzya kulikankaizizya Kuzyalwa kwangu lino. Nse konzyi kulikankaizizya kuzyalwa kwangu kutaanzi, takukwe cintu, Nda usa kuli nkuko. Pele Nse usi nsoni ku Kuzyalwa kwangu Kwabili. Peepe, peepe. Nse usi nsomi ku Kuzyalwa kwangu Kwabili. Mbobuti Mbwa kacicita? “Ku kusanzya kwa maanzi kwiinda ku Ijwi.” Mbo mbubo.

³⁰⁹ Basyomi bakakanza ncobeni bala kkala a Ijwi, nkabela taba ka Li pindamuna. Tali konzyi kusandulwa. Oh, bana balombe abasimbi iba Leza, nkaambonzi ta tukonzyi kuba a luswaanano olu lupati ndo tweede kuba alo, a boonse bana balombe a basimbi iba Leza? Twe elede kuba a ncico. Pele taba kaciciti buyo, kwa mana, nkaambo tabali bana balombe abasimbi ncobeni kuzwa i . . .

³¹⁰ Mwabona, mbuli Mbwe kaamba busiku bumwi, Nda kali kuyo. . . Nda kajisi eco cilembedwe aapepa awa, pele Nse jisi ciindi ca kusika kuli ncico. Nda zwa a kuleka lino.

³¹¹ Eco ciniini mukati ka mukati, mpe mpawo mpo talikila, buli *mbuntu bwako*; mpawo kuzwa kuli ceeco, uli *muuya*; elyo mpawo waba *cilenge* cipona. Lino, *cilenge* cipona cijisi magano osanwe, akukwaba; cabili bujisi magano *osanwe*. Oyo mubili waanze: kubona, kulabila, kwaampa, kununkizya, a kumvwa. I mubili wamukati ujisi luyandisyo a manjezeezya, azimwi zimbi, magano osanwe. Pele mukati ka mukati, ngazi ya bweendelezi, ngu Leza na Saatani.

³¹² Elyo inga walicenseezya ku zintu ezi nzo konzya kukwaba, mbuli—mbuli i, mbuli Munakristo; na inga watanda madaimona, mbuli Munakristo. Pele ngazi ya mukati yeendelezya, kutalika, matalikilo, tali ya Leza, tai kajoki kuli Leza. Mwa cimvwisywa na? Sa Judas taka tanda madaimona? Sena Kayafasi, oyo waka Mu pa mulandu a ku Mu jaya, akwalo kusinsima? Pele ta kakonzya kukkala a Ijwi. Mwabona? Mbo mbubo.

³¹³ Kusandulwa kuzwa ku mbungano a inyika, kuya mu bana balombe abasimbi iba Leza! Amubone eci, mu kujala lino.

³¹⁴ Elyo eno obo bana batuntulika iba Leza, kabatuntulika kubusena kuya mu nyika, bamwi babo kabungwe *aka*, kuzwa ku kabungwe kuyaku kabungwe, mbuli nyenyeesi zituntulika, kuta kkalikila. Mbuli tuvu aa maanzi mu butololo. Twa kali ku cibona, Leo, kaindi Kujwe okuya. I matu akali kuwida aansi aali nguwo, nkabela muuwo oonse muniini wakali kufulida kuzwa ku lubazu *olu* kuya ku lubazu *olo*.

³¹⁵ Pele Leza utuyanda kusitikila. “Kusimpwa muli Jesu, maguwo amvula aa buumi Njo kakatila. Kusimpwa muli Jesu, Nse yoowi myuuwo na mayuwe,” mwabona, kufumbwa mbo

cibede. Bunji bwamu mula yeeya mulangu wa Inch Cape bell, cindi nomwakali mu cikolo, mulombe a musimbi mu cikolo.

³¹⁶ Abrahamu a mubili wa Sarah wakacincwa, kuyo swaana ciimo ca Ijwi lyaka syomezegwa. Mwabona, bakali cembeede. Abrahamu waka tambula cisyomezyo, a Sarah, cindi nakali makumi ali ciloba ayosanwe, waa kali makumi ali cisambomwe ayosanwe, kwiindilila kuya kumweezi; wakapona a nguwe kuzwa nakali musimbi, wakali mucizi kucibela cimwi. Elyo, kubamba cisyomezyo eco, yoonse mibili yabo yakacincwa, kuzwa ku mudaala a mwanakazi, ku mwaalumi a mwanakazi mukubusyi, kuyo swaana cisyomezyo ca buzuba.

³¹⁷ Bulemu kuli Leza! Eco cindibamba kulimvwa kabotu loko. Mwabona? Ta ndikwe makani obo Mbwe kabede, Ta ndikwe makani obo Mbwe boola okuno, inga twacincwa kuswaana cisyomezyo ca buzuba obuno. Cindi, inga twa kkala antoomwe mu lukamantano a bubotu bwa Muuya Uusalala, a kupona mbuli bakwesu a bacizi.

³¹⁸ Enoki, mubili wakwe oonse waka cincwa, ku swaana cikozyanyo, muli Leza, alimwi wa katolwa ku Julu kakutakwe akwalo kubona lufu, Enoki mbwakabede. Eliya wakacita nciconya.

³¹⁹ Mubili wa Jesu waka cincwa kuzwa ku ciimo cifwide, citontola, caka duntaana, kuuma kusikila zicuzu Zyakwe a mabambo Aakwe—Aakwe akauma kwiinda kusule Lyakwe. Elyo—elyo moyo Wakwe waka yaswa, a sumo antela mu bukwasule *obo*, kayaswa moonya mu moyo Wakwe, a Bulowa a maanzi zyakazwa. Awalo mudumo kuzwa ku mubili Wakwe, wakasiya, elyo Bulowa bwaka selemukila a sumo, a kuzwa ku matende Aakwe, a kulokela aansi. Elyo Wa kali fwide kapati kusikila mweezi a nyenyezi zyakati Wa kali fwide, nyika yakati Wa kali fwide; kajisi mutempwe wa kulibilika, i—i myaala yaka zungaana kuzwa mu nyika, a zintuzyonse. Zintuzyonse zyakati Wa kali fwide; awalo Leza wakasisa busyu Bwakwe. Wa kali fwide. Pele mubili Wakwe wakali kucincwa. Nkaambonzi? Nkaambo Leza wakati, “Nse kasiyi buntu Bwakwe mu gehena, naanka kuti Nka lekele Umwi Wangu Uusalala kubona kubola.” Kwiina nzila yakucicita.

³²⁰ Bumwi bwa mazuba aya, mibili yesu ndiza iya kutandabala mu bbokesi lya kuzikkilwa. Inga twa boola... Inga mwaboola a kundilanga nkelede mu bbokesi lyakuzikkila. Inga ndaboola a ku kulanga, inga kweelela kwaamba majwi amamanino kuli nduwe, na cintucimwi mbuli ceeco. Pele toka tukkaziki mu cuumbwe. Kwayanda baya kulimba mabwe atala lyako. Kwayanda baya ku kuzikkila mu lwizi. Inga bacita kufumbwa nco bayanda, pele Nguzu zyakusandula izya Leza...

³²¹ Mu Batesalonika Babili, kati, “Inga nseyanda kuti mube batakwe luzibo, bakwesu, kujatikizya abo boona. Nkambo twa

amba ceeci kuli ndinywe, anywebo, ku Milao ya Mwami, kuti mweembo wa Leza uyo lila, nkabela bafu muli Kristo bayo buka lutaanzi; swebo to baumi a basyeede,” mbuli lwiimbo mbolwa kaamba cifumo cino, “bayo kwempwa antoomwe a mbabo, kuyo swaana Mwami mu mulengalenga.”

³²² I Nguzu zyakusandula izya Leza, zya katugwisya kuzwa ku lupyopyongano lwa sayaansi a Iwiiyo, a zintu zya inyika, a kumvwisya kwa buzuba obu bwasunu, zya tusandula lino kuba bana balombe abasimbi iba Leza. Elyo alwalo lufu lwini talu konzyi kutujatilila mu cuumbwe. “Tuyo cincwa, mu kaindi kaniini, mu kulaba kwa liso.”

“Oh, sa waamba kwaamba?”

³²³ Nda amba kwaamba kuti obo Mbwini! Jesu, eelyo Ijwi ly a kaima aa nyika, eelyo lyakali Ijwi, Oyo waka busigwa, a kubusya Lazaro. Wa kati, “Ndime Bubuke a Buumi; oyo usyoma muli Ndime, nekubakuti wakali fwide, kwalo uyo pona. Elyo kufumbwa muntu uupona a kusyoma muli Ndime ta kafwi.” Kwiina nzila ya kwiimika Ijwi ly a Leza lyuumi! Lye elede kubuka alubo.

³²⁴ Elyo kuzwa ku lupyopyongano olu lwa Edeni eyi yasayaansi ya sunu eyo njo tupona mo, ya zilengwa a—a sayaansi a Iwiiyo, zintu ezi zyoonse zya busyaasunu, tuyo buka! “Eci cikobela ca nyama njo tulosya, a kubuka a kusaala bulumbu butamani,” buzubabumwi. Tuyo inda mu luwo, nkabela oku koonse kuyo mana. Nkambo Ijwi ly a Leza ly a katuleta kuzwa ku kuyeeya kwasunu kwa mizeezo yesu, kusandula mizeezo yesu mu kubukulusya kwa myoyo yesu kuya kuli Leza, a myuuya yesu; oyo Muuya nguwenya waka kananan ceeco, waka tusandula kusika boobu, alimwi akwalo Uyo tutola mu Busyu Bwakwe, mu Bulemu Bwakwe, a mibili wabulemu.

³²⁵ “Bayo yaka maanda, bayo akkala. Bayo byala myuunda ya misaansa.” Mu kubbutukizya kwesu konse kwasayaansi; tula syanga muunda, bana besu bala boola ambali a kubweza micelo kuzwa kuli nguwo, nkabela bana bakwe balasika a kwiitola kuzwa kuli nguwe. Elyo bala syanga, umwi umbi ulailly; alimwi bala yaka, alimwi aumbi ula ikkala. “Pele ayo mazuba malamfu ku balanda Bangu, bayooba kokuya a bana babo antoomwe a mbabo. Bayo yaka, nkabela umbi takaa kkali pe. Bayo byala, nkabela kwiina umbi kulya kuli njiyo.” Inzi? I Leza nguonya, musinsimi nguonya oyo Ijwi ly a Leza ngo lyakati “nakalindu uyo mita,” waka tusyomezya ceeci!

³²⁶ Mbobuti mbo tu cijana? Tuli kale kumwi ndyoonya lino, mwabona, nkaambo Leza wakaamba boobo. Ce elede kuba. Cindi Na kabusya Lazaro okuya, kati, “Muta yeeyi kuti eci nceenzu, nkambo oora lilasika cindi boonse abo bali mu cuumbwe nobayo mvwa Jwi ly a Mwana wa muntu, alimwi bayo yutuka; bamwi ku mause, a bamwi ku Buumi.”

³²⁷ Ino ncinzi? Kusandula, kusandula kwinda ku Ijwi lya Leza, kutubamba kuba bana balombe abasimbi iba Leza, alimwi akwalo uyo tupu Buumi mu inyika iciza. Oh, ma! Ino nkunji buti Nkwe konzya kwaamba? Muta swiilili zintu zimbi.

Teemuzyi buvubi obu bwanyika eyi bwabuyo,
Obo buyabaala cakufwambaana,
Yaka bulangizi bwako aa zintu Zitamani,
Ta zika lob!

Jatilila janza lya Leza litacinci!

Atu yiimbe!

Jatilila janza lya Leza litacinci! (*Nceeci we!*)
Yaka bulangizi bwako aa zintu Zitamani,
Jatilila janza lya Leza litacinci!

Ciindi lweendo lwesu lwa kumana,
Ikuti na kuli Leza twakali kusyomeka,
Munzi wesu mubotu a ubalama mu Bulemu,
Buntu bwesu bwaka kwempwa buyo bona.

Jatilila janza lya Leza litacinci! (*Amucincwe!*)
Jatilila janza lya Leza litacinci!
Yaka bulangizi bwako aa zintu Zitamani,
Jatilila janza lya Leza litacinci!

³²⁸ Muta langi sayaansi, eco nco ikonzya kutondezya, ikuti na ciliimpene ku Ijwi. Mwabona? Muta langi mbungano, eco nco yaamba, ikuti na ciliimpene ku Ijwi.

Nkambo tu jatilila janza lya Leza litacinci!

³²⁹ Ziindi zilacinca, sayaansi ilacinca. Jata Janza eelyo tali konzyi kucinca!

Yaka bulangizi bwako aa zintu Zitamani,
Jatilila janza lya Leza litacinci!

³³⁰ Taata Leza, mu Busyu Bwako, mbuli mbo twa bungana okuno kuseeni muli ceeci, kubweza Mulumbe, mulamfu, wa kabambwa, alimwi, O Mwami, Nda komba kuti Uyo bikka Mbuto mu myoyo ya bantu aba. Yeeya, Mwami, twa komba, tula butyole, alimwi bupange bwesu bula butyole, elyo tu... ziindizimwi ta tuzi nzila yaku nyonena. Oyandwa Leza, Ko tutola a kutu solela kwiinda ku Muuya Wako mupati, Mwami. Kotu gwasya. To tusiyi tolikké, Taata. Wa kasyomezya kuti To kaciti. "Nse ka kusiyi nanka kukutantamuka. Njo oba anduwe."

³³¹ Elyo, Taata Leza, twa komba kuti Uyo solela Mukwesu wesu Leo, a Gene. Koba bamba, Mwami, musyobo wa basololi oyo Ngo muno jisi atala lya bantu aba awa; kutali kubelesya miyeeyo yabo beni, pele lekela Muuya Uusalala mulemu uba lailila muli ceeco cakucita.

³³² Longezya baalumi a banakazi aba, bana aba baniini, mbuli, Mwami, kuli ndime. Elyo Nda—Nda—Nda komba kuti Uyo

babamba mu buumi bulamfu. Akube, ikuti na cilakonzeka, Mwami, atu pone kubona Kuboola Kwakwe. Tula syoma kuti tuyo cita, nkaambo tu bona zintuzyonse kuti zili munsi loko lino. Cili munsi loko! Ko cipa, Taata. Twa batuula kuli Nduwe, a lwesu, lino, ku kubelekela Nduwe, mu Zina iya Jesu. Ameni.

Nda usa kuti Nda mujata kwa ciindi cilamfu. Mukwesu Leo.



65-1031M Nguzu Zya Kusandula
Pine Lawn Trailer Park
Prescott, Arizona U.S.A.

CHITONGA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa mucimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org